


^ 16  
2941  
9





36  
2941  
9

廣東文獻二集卷之三分目

陳忠烈公中興政要

家傳

軼事

附論

政要八綱

端本

肅吏

保民

勵俗



廣東文獻二集

卷之三分目

一  
宗軍堂

早稻田大學圖書館  
31.4.19  
藏人書

制用

馭戎

固圉

討逆

政要三十二目

端本篇

崇聖學

公好惡

求直言

罷獻納

肅吏篇

戒朋黨

慎遷除

久任使

廣恩禮

保民篇

壯干城

寬賦役

禁侵漁

嚴保甲

勵俗篇

獎廉讓

屏浮文

求真才

褒忠節

制用篇

裁濫費

汰冗員

課屯田

策鼓鑄

馭戎篇

謹禁衛

擇將帥

汰驕羸

明統馭

固圉篇

重守令

撫遺黎

築關隘

審方畧

討逆篇

復襄維

結甘涼

勵和衷

定大舉

廣東文獻二集

順德羅學鵬雲山甫編輯

卷之三

男培植槐校

陳忠烈公中興政要

孫古祥纂

家傳

列傳本之明史家傳參以行狀



公諱邦彥字會份廣州順德人先世自銅陵入粵居龍山以賞雄於鄉曰小圃陳氏祖文學諱嘉言父高士諱韶音以公故皆贈資政大夫高士操行方巖隱居言性命之學由龍山徙居邑城北門外錦巖山麓故公別號巖野謙言錦巖之野人寓言說築傳巖之野惟肖也為人頎長美髯顧盼煜然目能視日不眩自少慷慨喜大

節年十八餼於庠文行籍甚教授生徒戶外屢恒滿年  
四十未售時陳忠簡公子壯抗疏南歸望隆寓內見公  
文而異之延致於家使諸子受業焉公亦重忠簡爲人  
執弟子禮相得甚懽甲申之變公聞之憂憤坐卧不安  
慨曰不報國非夫也乃輟講業謝生徒閉戶草中興政  
要書萬餘言走南都上之不報而歸都中人人知陳子  
上書矣唐王在閩求粵士於蘇觀生以公對并進所上  
中興政要書王讀而躑之旣而授監紀推官當其欲上  
書也或戲之曰君未冠進賢強欲預人家國事耶公曰  
先朝之事極矣極則思變莫或隱之將又甚焉余患夫

力之不逮與言之旣晚也又可俟乎公之自南京還也  
以宏光登極詔舉恩貢復應乙酉鄉試拜官數日而榜  
發雋第七人遂以推官冠服赴宴一時榮之隆武二年  
遷職方主事監狼兵援贛時蘇觀生以樞輔督軍公數  
以策于之不聽閩陷觀生旋師公請其指曰國未有主  
公曰國亂先內國危先外今敵全力在閩東事爲急願  
疾趨惠潮以控扼之猶可自立若以擁立爲功坐失事  
幾難以守矣不聽會丁魁楚擁立桂王魁楚柄用觀生  
舊與魁楚有隙不懌公引義固爭乃遣公奉箋勸進而  
擁立唐王之弟聿鏐改元紹武鬻官無虛日屠販之子

高車於道中公未之知也西至梧州桂王問以戰和之策公曰彼曲我直以和則非名粵西之士不長於舟楫以戰未必勝方今之計宜速反端州以正大位繫屬人心繕舟固險以觀其變猶或可爲也王善之擢兵垣奉敕還諭觀生時丙戌十一月九日也十八日王卽位於端州以明年丁亥爲永曆元年公至廣觀生見公所遺書欲和會水軍敗不果公變姓名入高明山中觀生不聽公言備惠潮已而總督佟養甲攻惠潮降之乃輕騎襲廣州而用惠潮符印日報平安四月望日唐王幸學或報敵至觀生怒其妄言斬之三報三斬而兵溢城內

矣唐王被執觀生死之遂進圍桂林莫可支持時大盜余龍嘯聚甘竹灘公往說之攻廣州以解桂林之圍曰此孫臏救趙法也養甲閉城不出而飛騎追桂林軍還救廣州桂林猶是得完旣而公與陳子壯攻廣州不利走三水胥江大小十餘戰氣益奮不衰清遠白常燦舉城迎公設柵拒守值天北風公遣總兵霍師連以火攻敵敵走數里反風我舟火還走望於柵舟盡然乃退守城十數日城陷巷戰被及不死走朱氏園見朱學熙自縊拜哭之題絕命詩三首投池死水淺被執入獄五日不食賦詩自若好事者投以素紙求書首自紀生平科



日官爵及題壁絕命詩詞義燦然草書精絕得者以為至寶當事知不可屈磔之西向受刃顏色不變時永明王永歷元年丁亥九月二十八日也距生於萬歷癸卯年四月朔得年四十有五身受極刑白晝陰晦風塵四塞監斬者視其肝肝躍起擊監者面驚而墮馬死公博極羣書所著多散佚止存雪聲堂集十卷行於世門人薛始

亭

先生少應童子試學使者命題幼而不遜弟長而無述焉先生與彭忠愍曜並錄進庠既十餘年同案生八九十人無有登賢書者先生謂忠愍曰是豈原壤

為崇耶乃以芻為原壤像為文祭之是年忠愍舉於鄉越三年先生亦雋鄉書第七人已而與忠愍同死國事以忠節著其餘無一售者

按此事似近荒唐然先生與忠愍同出一邑同進庠同死國事與浙江閩中見三大人事相類錄之以志粵中盛事亦增一段千秋佳話也一科三大忠臣其為泮林生色後矣

中興政要書序

臣觀自古國家創業能統壹區宇者後世雖值式微必有中興繇其功德淵闕而根植蟠固也恭惟太祖高皇帝蕩滌元氛再造區夏重以列聖二百餘年之德澤思皇十有七載之憂勤卜世卜年謂宜萬禩勿替不幸遭逢異變萬靈飲泣率土痛心繇是天地祖宗篤佑皇上發祥豐鎬之區纘承歷服之重臣攷前代之中興者自夏少康殷高宗而外若 皇唐肅則勢漸於削弱東晉南宋則跡阻於偏安 光武恢復舊疆光昭嗣服為中興全盛之令主伏 帝 江之年同符漢祖皇

陳元烈公中興政要 卷之三 四 春明堂選

上紀元之歲同符光武全盛之象固已見端於此矣惟是大命方集宏道在人將爲觀光揚烈之圖宜有草故鼎新之勇書曰若生子罔不在厥初生自詒哲命今天其命哲命吉凶命歷年知今我初服言慎之於始也臣分隔蓬茅心懷葵藿不揣蕪陋恭輯此書竊惟皇極者庶徵之本也故首端本公卿大夫所使相助爲理也故次肅吏郡邑淪陷相繼非盡無可守繇民心之弗固也故次保民世喪廉恥之防人懷利祿之志禍變所繇滋也故次勵俗搜括纖悉而軍儲日之進桑孔之謀是益之亂也故次制用士不驕於敵而驕於伍兵不盈於戰而盈於籍安攘其未可幾也故次馭戎能守而後可以戰申書郊圻設險保國古之訓也故次固圉闔賊罪大惡極神人共憤而逆獻恣橫皆天討所必加也故終討逆端本之目四曰崇聖學曰公好惡曰求直言曰罷獻納肅吏之目四曰戒朋黨曰慎遷除曰久任使曰廣恩禮保民之目四曰壯干城曰寬賦役曰禁侵漁曰嚴保甲勵俗之目四曰獎廉讓曰屏浮文曰求真才曰褒忠節制用之目四曰裁濫費曰汰冗員曰課屯田曰策鼓鑄馭戎之目四曰謹禁衛曰擇將帥曰汰驕羸曰明統馭固圉之目四曰重守令曰撫遺黎曰築關隘曰審方

曆東文獻二集 卷之三  
畧討逆之日四日復襄維曰結甘涼日勵和衷曰定大  
舉伏念寇敵交訐兵餉爲急而臣本之內治參之民情  
不爲一時應猝之謀而爲立國久長之計此當世之所  
見爲迂也然欲復祖宗之鴻圖迓靈長之景命道將不  
越於此記曰芻蕘之言聖人擇焉伏願皇上萬幾之暇  
少垂睿覽倘臣言有當與公卿大臣見之施行臣得蚤  
見治平復爲全盛之臣子於願畢矣臣書具錄左方敬  
先序其概如此臣謹序

端本篇第一

崇聖學

臣聞學所以求于道也道所以適于治也天下至大萬  
民至衆唯有道之主德器闕而方畧廣故聖作物類而  
宇宙景從昔高皇帝生知之聖也猶日進儒臣於側與  
之叅究古今商榷幾務聖代創垂之遠實嘉賴之臣伏  
聞我皇上正位大寶卽允廷臣之疏親御講幄顧問儒  
臣大哉聖謨可謂與高皇帝同符矣臣聞之帝王之學  
與士庶異矧今國步艱虞之日所資於學者以其實不  
以其文知人安民宜學於堯闢門明目宜學於舜克勤  
克儉宜學於禹克寬克仁宜學於湯惠鮮懷保宜學於  
文敬勝義勝宜學於武於漢高而學其豁達大度於漢

文而學其止輦受言於光武而學其明習吏事動遵法度至於祖宗之寶訓先臣之格言凡關於柔遠能邇之圖詳於親賢遠奸之辨者之命儒臣彙輯成書時厯省覽將見聖學日懋聖德日躋中興致治之盛與開朔比隆矣

公好惡

人主之好惡天下邪正治亂之所從分也好之所注不令而行惡之所加不刑而肅彰之爲賞罰而趨尚以移存之爲意旨而風聲以播好惡得其正則正人進而天下治矣好惡失其正則邪人進而天下亂矣自古荒陬

之朝未嘗不欲求賢自輔然亡國敗家相屬者好惡之私勝而邪正之衡亂也是以人主之好惡當以爲天下之公不當以爲一人之私以好惡爲天下之公則可與天下共聞與天下共見君子有所恃以爲善小人有所畏而不敢爲非以好惡爲一人之私則或獨斷以示威嚴或隱深以明不測君子無所施其救正之能而小人得以巧嘗意旨而竊用之書曰無有作好遵王之道無有作惡遵王之路言皇極端於上則從又應於下故帝王之道無他焉公其好惡而已矣皇上承天眷命錫極萬方恩詔初頒海隅感泣而綸綍所傳宣皆與天下之

公相協臣有以知好惡之無頗也然堯舜之聖猶傲逸欲而戒怠荒一嘖一笑可弗謹乎臣請以簡言括其要曰好君子惡小人治之本也清心寡慾好其近於道者惡其近於情者又好君子惡小人之本也皇上深鏡治原慎之於獨公好惡以涖天下而天下治矣

求直言

進言之難蓋自古記之矣人主之聖神必非臣下所能及而侃言正論以當萬乘之威其間或微漸未明或意指殊嚮雷霆臨之怨謗伺之非忠誠激發誰不緘默取容者乎是以古之直士弼成主德宣達民情銷隱患於

未然寢邪謀於境外非獨其臣之能抑亦當時之令主愛護而保養之者深也若乃呼籲無從摧折暴至痞結成而讒諛進則國步之敗亡因之書曰木從繩則正后從諫則聖宋臣之言曰平居無犯顏極諫之士臨難必無仗節死難之臣有味乎其言之矣臣竊觀先皇帝時言路似通實塞容納似廣實隘章奏雖滿公車而皆人適政間之末未有拔本塞源壹明國家之大計者厝火積薪馴致大變臣以此咎諸臣之謀國不忠而竊願皇上所以延訪訐謏開宥狂戇必有加于先帝之日方今景運初復險難宏多忠計之士或意出於樸誠而言昧

於忌諱伏惟毋以誹謗罪之毋以沽名疑之轉圜以從  
霽顏而受卽山林草澤懷忠入告者咸使竭其菑蕘之  
獻其間論辨官材自有衡鑒而不以言舉人不以人廢  
言名器自慎忠益自廣中興致治之本莫要於此矣至  
於讒言當聖浮言當屏此在聽覽之際辨之未可以是  
逆杜天下之口也

罷獻納

臣請正言往事之失而毋加以誹謗之誅則先朝之輸  
助是已夫朝廷清而後可責吏之廉吏道廉而後可期  
民之安故輸助而出於臣民之忠愛可也輸助而沿爲

朝廷之額例不可也守令所使親民也而歲輸有嘗額  
方岳監司所使監于守令也而歲輸有嘗額臺憲之職  
卿貳之官所使糾于庶司庶正也而亦歲輸有嘗額此  
烏所從出哉爲大吏者必將取之下僚爲下僚者必將  
取之於民民困而無所訴則有去爲盜賊而已矣傳曰  
國家之敗繇官邪也官之失德寵賂章也輸助有額章  
孰甚焉拙者期于及額而巧者又多效贏餘以爲功是  
取民愈奢而困民者愈甚也俸入而旣薄矣又爲之禁  
其餽遺刑其貪墨然則此輸助者果神運而鬼輸乎名  
則禁之實則容之如是而欲吏之廉不可得已是故求

車求金書于春秋日進月進譏于唐史當先皇帝時奴  
寇交訐司農告匱不得已而聽臣下之輸助誠與荒朝  
之以財自娛者異然課吏日嚴而吏顧益肆有識之士  
反求其本未嘗不歎息流連也昔神皇初載守臣於官  
署得窖金十萬以獻有詔弗受當時之謹於風尚如此  
而况取於民者乎臣近者捧讀明綸有事例原屬權宜  
以後悉行停止之旨輸助之不可訓朝廷已深悉之所  
冀推廣其意申飭羣吏凡曠緩奉功令報部仍貯留該  
衙門以備兵荒意外之用使天下曉然知給發部單止  
以覈貪廉非以謀涓滴其有貪殘不職得以重法繩之

民生安于下斯國勢昌于上矣若夫軍國度支開節固  
自有道臣於制用篇備言之未聞四海之大萬乘之主  
而廩廩不足從一切苟且之術也

肅吏篇第二

戒朋黨

自古人臣誤國莫甚於朋黨朋黨之誤國何也昧同寅  
協恭之風而有妨功害能之實人無賢否在同黨者必  
推事無是非在異黨者必細職業隳於鬪穴意氣慳於  
伏戎其見右於當宁者務爲固寵以杜復燃之灰而其  
見抑於一時者不憚多方以逞患失之志至使人主悟



一人之失易之而人復如前矯一事之非革之而事復如故滋蔓釀患國步隨之卽以先皇帝之聖明神武力懲門戶之奸而卒爲所誤則朋黨之爲禍烈也變故以來蕩滌畧盡一時端碩濟濟登庸皇上又時以和衷勗之海內之人引領而望日朋黨其少息乎而今又見端矣臣聞之同舟而遇風波雖胡越之人相救如左右手今委贄登朝非直同舟之誼也寇敵交伺非直風波之險也諸臣縱不愛國未始不愛其身前車具在可弗戒歟雖然臣有進焉在臣子固不宜稍存朋黨之習而在君父亦不宜豫設朋黨之疑其人而不肖其事而非雖持之者止一人二人不可謂之非黨也其人而賢其事而是雖與之者盡舉朝之人不可謂之黨也伏惟皇上以大公宅心以太虛燭物以恪誠勵羣下以流品辨官方任賢勿疑行善弗怠則朋黨息而國是定矣不然而以黨見逐者固黨其以黨繩人者又未始非黨貞勝不已將端人正士反爲朋黨之網所盡東漢之事可爲殷鑒善乎宋臣歐陽修之告其君曰朋黨之說自古有之惟在人君辨其君子小人而已嗚呼此篤論也

慎遷除

臣竊惟近日用人之失有四曰除授太繁也遷轉太驟

也進退太輕也議論太雜也此四者賄賂之所繇滋而官常之所以壞也夫知人則哲古帝難之今一選動數百人面目且不及謀况能審其材與地之相宜乎於是與援者居善地弱植者處衝疲是爲人擇官非爲官擇人也此除授太繁之失也唐虞五臣皆有聖人之德然且終身不改其官今或春馳而南秋徙而北刑禮互更藩臬迭處事會非所熟嘗風土非所素習豈今之人皆有兼材耶此遷轉太驟之失也內而輔弼卿貳外而經撫鎮巡寅亮是資封疆攸寄此其職任重矣乃或輿論未協而驟用之或其人自審不能而強使之至於付托

不效而踰尊踰戚國事幾何堪此數敗乎且其間或以一人之言而用旋以一人之言而舍毀譽迭進賢佞靡常尤非所以明眷倚也故曰進退太輕凡司耳目者審其人不可信斯勿之任矣如其可信則不必相參伍而後可信也近者三載而遞遣三巡按或一邑而兼屬數憲臣雖有良吏豈能盡人得其懽心而朝廷之上元揆大僚亦或持短長於庶宗遠藩外吏之口可盡憑耶故曰議論太雜夫用人者國家之所繇治亂也今欲一反其失必也擇而後用母用而後擇旣得其人則悉心委任以需成績母以文法束之母以小節苛之除授清簡

則審察愈精賢否昭明則賄賂不至如此而天下之士皆知竭忠營職之足以自振毋務爲攀援黨比之行庶幾哉奮庸熙載復見於聖世治平可跂而待矣

久任使

臣旣言遷轉太驟之失而復申之以久任使者何也欲課成功莫如久任非夫不驟之爲久也謂夫功成而後遷之之爲久也凡人之情見爲終身於是將夢寐以之如其旦夕可解雖有賢者或傳舍視之矣且服官之始風土未盡諳事幾未盡晰上下之情未盡流通也及其旣習又未幾而去之則是凡有事任皆使不習者爲政

其扞格不勝之患必多矣古之仕者或終其身或長其子孫卽先臣若周忱陳璉之屬皆以久任著績此其說人人能言之然天下皆知久任之美而莫能久任者其患在仕途之冗與陞擢之易也仕途冗則將遽遷其前以位置其後而主銓者有所不能擇易則與勉於治效寧巧於攀援而需次懷苟且之意今天下多虞邊瘠荒殘之地非有材有寸不足以居之苟數爲更易則或後之人不逮其前事去矣然使善地不久任而獨邊瘠荒殘之爲久任必將有從事獨賢之怨其力能日板者又將務爲速化以求致于善地誠如此則是以

國家艱鉅之任而付之疎遠沉頓之人如之何其不敗也臣愚以為內外之官悉令久任而功實生矣簡入仕之途慎遷擢之典下無久淹上無失舉則久任行矣夫然後詳考其治狀以別幽明簡細其不肖以待後起其績效卓然者增秩賜金以竟其用至于成功而以超陞酬之於禮臣未嘗不厚也此圖功之要也

廣恩禮

臣聞人臣之仕也以謀祿也然明于臣下之情者必恤其私而後責之必廉不恤其私而責之廉雖賢者猶或難之孔子曰忠信重祿所以勸士也夫人臣從田間來

既舍其稼穡以供王事則自仰事俯育以至僮馬衣服薪粟僕賃之費惟祿是賴而歲時過從問餽交際之屬亦皆有所不能免是以寡貧之歎錄于衛風侏儒之飽傷千方朔亦人情然也臣攷歷代制祿未有如我朝之儉者而復為折鈔之例以裁之其在外官取資金矢之贖錢猶可說也其在內而秩卑者自養然且不給况其他乎先皇帝蓋嘗設邏卒以禁餽遺而京職輸助之數往往逾於俸八是面謾也宋太祖曰吏員冗多難以求其治俸祿鮮薄未可責以廉與其冗員而重費不若省官而益俸漢光武中興吏千石以上減于西漢六百石

以上增于舊秩可謂深悉人情者矣臣願皇上省天下冗員而并其祿以益京官之俸羣臣資用既饒可無藉於受餽然後察其介然自持者尊顯之以風勵有位又爲之慎考課之法俾羣臣毋得以賄賂自進如此而餽遺之風不待禁而自息矣不然而循昔日之法徒能施於邏察之所及不能施於邏察之所不及且其間網漏吞舟而挾仇者又以修其睚眦非王政之體也臣度羣臣既仕于朝必無敢以益俸請者記曰王道本于人情草茅之言倘亦皇上禮臣之一助乎

保民篇第二

壯干城

臣觀闖賊肆橫以來所至披靡非眞智勇殊絕折北莫支也繇望風奔潰而授之罅也然民之奔潰其失不在民而在官夫小民樂生而畏死其性然矣彼爲長吏者無恩惠以結其心無威畧以壯其氣一旦寇氛壓境民以爲逃竄則生守禦則死是雖禁之而不可遏且其間固有小民願守而官吏先無固志者如去歲荊州之陷城中無官且八日而後寇賊乘之此其徵矣夫民不幸而至於逃室廬相失之穉相棄豈其心所欲哉徒有甚畏者以迫之也今欲賊無橫肆莫若固民心欲固民心

莫若擇有恩惠威畧者為之長民知守之果足以無虞則逃之不如守甚明也何樂乎捐室家棄財用以蹈凶險之地哉且國家張官置吏以司民社設兵選帥以守封疆而賊往來飄突一卒莫加焉用此纍纍若若者為也尤可異者近年以來廟臬持堅壁清野之說寇賊之來嬰城自守苟幸不破便為功獨不思城外生聚百千萬落非能盡收之城內也長吏置城夕於莫問則為鄉落之民者非奔逃則從賊而已矣賊方誘之復棄之從賊之黨愈眾則守禦之膽愈寒夫城內心腹也城外肢體也未有肢體殘傷而心膂能獨存者曰云

子有道守在四夷諸侯有道守在四境今誠得賢守令司撫守於內節鎮大臣有威名者扼險要於外則民心固而有與共守寇雖至可閉境禦之矣其或奸民倡亂從賊自當以軍法重治之然此千萬中之一二而凡不得已而奔潰者皆有司之過也臣所謂壯干城者此也

輕賦役

孔子曰時使薄斂所以勸百姓也我國家之賦于民有丁口徭差之征有夏稅秋糧之征則使與斂皆在其中矣自祖宗立法率從寬簡時或給復蠲貸以昭撫恤是以民懷國恩三百年不替臣伏讀恩詔蠲免宏光元年

應納錢糧一分其遼餉名色盡行蠲免敷天之下鼓舞稱慶有若更生臣以輕賦役爲固民心之要皇上已先行之奚俟贅辭爲哉然臣不禁惓惓者誠見近年以來有司不知奉宣朝廷德意唯以催科爲急天下官吏賢否以課入及額不及額爲差卽不幸有水旱蟲蝻之災兵寇焚掠之慘無敢以民隱入告者夫國家設守令以親民又爲監司以董之固將使之字愛撫循非專責之租稅也今但以課入爲殿最則爲監司者不得不急其守令爲守令者不得不急其百姓至於災難之餘鳩形鵠面猶或不免於鞭扑朝廷之恩何繇下究於編氓哉

且夏稅之征起於六月秋糧之征起於十月祖宗之初制也今或春夏之交概行催比民舍其穡事以應誅求就此常賦之供緩急稍殊小民已重困矣臣不敢望皇上於詔書之外別有蠲貸而望明赦有司催科以時毋妨東作其有災沴疾苦及時奏聞候旨裁奪吏部所第官吏殿最必以安民之實績毋但以歲課之及額則百官有司皆知聖天子休養小民至意雖征輸不廢而所撫字固已多矣若夫國家經費量入爲出節冗留餘可以漸裕豈必皇皇催科使天下不見朝廷之德也臣所謂輕賦役者此也

廣文堂二集 卷之三  
禁侵漁

臣觀今日之侵漁小民使之離心者不獨在有司而兼在豪右有司之侵漁在法之內猶可言也豪右之侵漁在法之外不可言也遠者臣不及知臣以臣之鄉觀之諸藉勢牟利之事非一而最大者一日占沙一日搶割度未有聞之朝廷者臣敢訟言之臣鄉田多近海或數十年輒有浮生勢豪之家以承餉爲名而影占他人已成之稅田認爲己物業戶畏之而不敢爭官司聞之而不能直此所謂占沙也及至秋稼將登豪家募召打手駕使大船列刃張旗以爭新占之業其後轉相摹倣雖

夙昔無因者皆席捲而有之耕者之少不敵搶者之多甚或殺越折傷而不能問此所謂搶割也斯二者小民積怨深怒皆歸咎於鄉紳鄉紳讀書知義理受國深恩其身爲不肖者固無幾耳乃其間或子弟僕從之蒙蔽而不及知或戚屬奸徒之詐冒而不可詰小民赴訴其門則主人如帝門者如鬼未嘗爲之深察其顛末當去冬寇犯郴桂民言無嘉至有願寇之來與鄉紳俱斃者而近日傳聞兩浙郡縣亦有鄉紳激變之事民情如此則知河淮以訛爭先從寇未必非怨毒之積而思發憤於狂賊也臣謂侵漁之事雖不盡出鄉紳然使鄉紳治



家素嚴母庇姦母贖貨則影借無端而奸僞易察昔郭  
解之客殺人公孫宏曰解雖不殺人其罪乃甚於解殺  
之繇斯以譚鄉紳固無辭於民怨之歸矣伏乞皇上敕  
天下撫按凡小民被害告發者卽付該紳自行察明或  
繇子弟或繇僕從或繇戚屬奸徒務在直窮到底以伸  
正法其隱忍曲庇則風憲有司得以白簡從事庶小民  
得安其生而無離畔之志此亦今日聯結民心之至要  
矣臣鄉搶割之毒詐冒什七近年以來撫按治之頗嚴  
惟沙田之爭未易究詰昔先臣霍文敏韜以爲宜悉禁  
餉承歸之於官當文敏著論時徒以漸不可長耳固未

有如今日之甚也請自今以往著爲功令凡浮生沙坦  
毋得餉承該官司召佃納穀以充賑饑餉兵之用府縣  
官能清察報聞者與墾田同功如此則旣絕爭端又資  
國用當亦臣鄉長利之策乞敕撫按熟議具奏臣不勝  
翹跂

嚴保甲

今之言弭盜者率稱保甲每守令至未嘗不再三申飭  
也而臣猶竇陳之者誠以今之保甲徒具文而無其實  
夫保甲之法所使相稽察不爲盜賊者以保長爲之鈐  
束也今有司視保長至賤麾斥譴訶曾不比于人類是

故中人皆恥爲之其應役者大率桀黠無賴之輩德不足以服人言不足以徵信籍伍雖具而其實與無保甲同臣攷今之保長於漢爲鄉三老亭長游徼之屬當時率用士人爲之若張敞朱博鮑宣仇香諸人皆得起家爲名公輔是以人自愛其名行而樂效其材用今卽不敢遽望兩漢亦宜敕有司隆其禮貌察其品行而甄別之其保內三年無盜量給冠帶六年無盜量加武官職銜其有材勇出衆捍禦著績者仍得序遷擢用則人不以卑賤自棄而保內小民亦有所畏而聽其約束且夫城市之內甲冊具矣而稽察不時則奸細藏伏而莫知

### 屏浮文

今世俗之弊又在於浮文宴設之費動數十金慶弔之微動千百語啓事相仍儀物相副凡此皆以隱其賄賂之名而託之乎禮者也猶未也下屬欲行一事則文書往復動至數四雖非所繇衙門亦必具文申詳而後敢舉簿書期會之不暇安所得瑩精壹意以圖政績乎臣謂上之泄下宜疎闊綱目而省其成正不必文書盈於几閣以滋紛擾也猶未也憲臣之察吏所以辨品行爲朝廷徵信也今撫按獎薦不質言其長於某事而但爲駢語以文之觀其薦劾則字字龔黃三言草魯乃其中

名實不應者固甚多也猶未也下吏之申文必具所繇  
顛末俟研察也至於封章八告則宜見之確而辭之簡  
矣今奏讞之牘騰報之章其體或與申文無異得毋借  
屬官爲游移推卸之端乎而謂非浮文乎臣又聞往年  
官京都者謹於送迎詳於罄折毋敢一語稍及時事或  
蒿目當世則目爲狂悉心職務則譏爲俗坐使泄泄成  
風而不可救其在近日建白不乏名議而言行相違者  
亦復不少或詔書有所釐飭而中外之吏奉行無實究  
成廢格者有之此皆文勝之流弊也凡臣所言浮文之  
事非一而皆在所當省省晉接之浮文則官方清省案  
牘之浮文則觀聽壹不以浮文事上官則將勉於職業  
而無幾倖之思不以浮文飾天聽則將核於名實而成  
勿欺之美昔孔子不得位慨然曰如用之則吾從先進  
傷周末之文靡也聖人在上一舉而更張之屏浮文以  
崇實效是在今日矣

求真才

臣竊惟朝廷望臣下以職業而始之求之也以文章天  
下之士不明乎朝廷所以求之之意則相率而入於無  
用夫文章者士所爲先資之言而於職業無與也今世  
但工八股已列賢書雖智闇菽麥行列繩簡勿之問矣

於是轉相慕效唯期七獲置實學而事浮辭一行作吏  
操刀學割困衡交至至使咎儒效之疎者激而欲廢科  
目夫科目亦安可廢哉祖宗之制初場課經書以觀義  
理後場課論策以規經濟先臣名碩輩出未始非科目  
中人也而今之考官見後場淹博者率以為老而置之  
夫古者四十強仕五十服官老亦何負人國而顧惟空  
疎之求耶頃逆賊恣橫未聞盈庭能展一籌以資敵愾  
此足以見空疎之效而當世所稱八股宗匠者甚且率  
先從賊而不恥無他彼其舉業浮腐之才而非經世有  
用之才也臣惟士之留心世務者品行必有可觀而其

言論風指往往於後場見之請於科場屆期之日敕考  
官特重後場榜中前後場相副者若而人初場工而取  
者若而人後場工而拔者若而人皆明註硃卷以俟磨  
對庶幾端方練達之儒得與春華並薦豫儲植幹之選  
天下之士見夫實學之未始不售而風尙其亦少轉矣  
至於徵辟一途祖宗行之恩詔及之而皇上終以嚴密  
為士臣惟當世營競多而真品少悲之誠是也惟是疆  
圉孔棘正繚鷹聞風之時而網羅未廣誠恐跣地絕異  
之材北走敵西走賊請懸為令曰凡保舉者必試之江  
北殘破郡邑待有成績而後陞擢臣見中才之士避匿

惟恐不深其應詔而起者必其智勇足賴者矣夫上之所嚮下爭趨之以求真才爲勵俗此不言而喻之術也

### 褒忠節

國家養士三百年而仗節死難之臣寥寥稀闊此風俗敝壞知生之重而未知義之重於生故也臣竊惟士之赤心殉國者非有所覲於後日然而朝廷礪節崇賢所宜特加優異以爲來者勸攷之彙章若賜諡建祠贈官廕子至隆渥矣乃臣竊有請者贈諡祠祭優以其名而廕子則以其實誠欲勸天下之忠節謂宜加隆廕典以歆之昔先臣陶成以浙江僉事死節詔廕其子魯爲新

會縣丞其後著績藩岳爲時名臣此足見先朝待臣之厚而忠節之裔爲能不負於國家也今廕子之典但曰八監讀書夫人臣之能守死者平居多砥礪自好無贏餘之蓄故其子或承恩子廕而不克八監者有之或歷監旣滿而不克就選者有之臣謂諸在國殉難者及守土于外能出奇破賊以力竭援絕而死者宜詔所在有司俟其子服闋之日起文徑赴吏部察授以官其官以原任品從爲差而視大臣考滿之廕特加優異彼受廕者上感國恩內承先志其竭忠圖報必不減于科第之士且邇來郡縣相繼淪陷者以臣下瞻顧情多莫肯死

守也人雖義烈未嘗不重愛其子彼知其身既死其子不失爲官則守土諸臣賢者重能死之義次者亦歆於死之之利而且逃竄有刑陷城有刑其效死而守者必多矣死守者多則寇之不能破者亦必多矣至於北京之變凡汗賊僞命者朝廷業有處分此外若削髮潛逃若觀望受辱皆庸碌軟靡之臣無足倚仗縱貸以寬典亦宜榜示朝堂勿復敘用天下至大人才至衆誠博求而登進之不患無臣策旣償之犢而責之千里臣有以知其不能也今厚酬其能死者而深錮其不能死者則好惡昭明而忠義之風必振矣昔西漢尙功利新莽之際稱功頌德者四十萬人及光武中興禮嚴光周黨而不屈遂養成東京之氣節臣區區以勵俗爲言固救時之急而亦爲一代風尙計也幸毋以爲迂而忽之也

制用篇第五

裁濫費

近世言理財者但理其入莫理其出是以日殫詘而不可詰夫國家經費之耗竭搜括之繁多至先朝而已居于極重之勢矣今天下省直十有五區寇所蹂躪幾半而恩詔軫念民瘼蠲貸宏多當此庶務草創軍興旁午之日以不能半入之賦應之財何恃而不詘哉議者補

救目前方且多爲條例然綸綽旣布則搜括非以信民  
荒旱游聞則權採亦虞階亂且自逆賊闕剪我諸藩隔  
絕我九邊歲所省宗祿邊糧以當淮北州郡蠲復之數  
或亦差足相當而庚癸頻呼轉輸不繼其失安在此必  
有濫費之當裁者矣臣聞內廷之用不隸於司農則濫  
在中飽無名之費不戒於微漸則濫在旁溢鎮戍之兵  
不覈於名實則濫在外泄伏惟皇上節儉之德昭布遐  
邇大婚可緩大工可省卽饕服賞賜之用未聞稍從廣  
侈以耗物力蓋於前二者之濫無一焉然則今之濫而  
當裁其惟兵額乎夫兵多而不精與無兵同况其間虛  
名冒破者正復不少以我皇上儉德永圖凡諸臣丁謂  
宜如何清釐如何澄汰以仰承宵旰臣謂衛軍已逃者  
勿勾則餘糧可抽也輕地無牙者勿建則新餉可省也  
空籍寄糧者勿給則軍實可料也敘資過多者勿徇則  
俸支可節也夫謝元八千克殄符秦岳飛五百遂破兀  
木今郡國兵數百萬此其中豈無可省者乞敕廉幹大  
臣別地勢重輕爲兵額多寡其將以兵寡謝不敏者易  
之豪傑之士必有起而當其任者若但取數於多以庶  
幾不敗則前此之多者亦未嘗不敗也故濫費可裁而  
今此之濫費原不易裁蓋尤自擇將始矣

汰冗員

自古設官之多莫過於我朝莫甚於近日初京官額一千二百餘人見於先臣馬文升之疏今臺部寺監之積冗不知幾倍矣初外官五千四百八十餘員見於洪武四年中書省臣之疏今督撫守巡諸大吏若府縣正佐之添設不知幾倍矣初天下武職二萬八千餘員成化五年增至八萬一千餘員見於先臣霍韜之疏今軍興日繁而兵部之選用外臣之札委又不知幾倍矣臣惟官多則俸給多此其耗財者一也多一文官卽多一官之皂快驕從多一武官卽多一官之家丁走卒此其耗財者二也吏道旣雜守候漸難其間擇地營遷遂多債帥債吏取償於官侵漁所必至矣此其耗財者三也情面旣廣交際日繁問餽送迎何以給之武官將冒破於兵糧文官或染指於課額此其耗財者四也是以聖明開濟之主未嘗不以汰吏爲急漢光武中興裁省州縣四百設官止七千五百餘員其後隋開皇唐貞觀皆踵行之我成祖文皇帝會論科臣曹崇以汰冗員傳語吏部當國初猶兢兢若此况今日乎臣伏見邇來召補臣僚殆無虛日誠非得已顧恐廷議不察修舉廢官必欲與烈皇帝時等則於祖宗之初制不符而徒以耗竭天



下之財力伏乞救吏兵二部攷求舊典凡官可省者省之苟得其人雖少何傷苟非其人雖多何益今度支日困而未有以汰冗爲皇上告者是徒以徇求仕者之心而未嘗爲國家深計之也至於在外武職繇督撫題授而加銜至總兵等官者蓋多有之臣惟自都使司之外加設總兵已非國初之舊矣今一藩省而總兵且數人其冗不愈甚乎故優之銜可也益之俸建之牙則必有顯赫戰功經兵部核實而後可也方今文武職員視國初不啻倍蓰而昔也日闕今也日蹙夫豈不多之患哉如謂今人不及古人我多其數以當之果多其數足以當之則物力似可勿惜也無如其不能也

### 課屯田

屯田之利夫人能言之其在今日至特厯恩詔勸諭廟算可謂周矣然以臣愚度之民之能應詔興屯者必寡何以明其然也開屯必重費乃就今海內之民困敝已極間有擁重貲者或阡陌已廣或未富相矜不肯從事南畝一矣可屯之地每患人稀能屯之人不樂遷徙二矣中原蹂躪之餘風鶴皆驚小民朝不謀夕何暇及遠三矣內地之棄而不田者大抵皆荒僻也民視爲畏途四矣頃來功令數更民情未信今詔書雖有半科之文

愚者猶疑其後五矣豪右每多侵漁菑畲既就懼或奪之六矣臣道出江西詢其土俗彼中自本色糧米外別有條鞭銀兩克夫甲驛馬之費今有司槩以上供而夫甲驛馬仍責之民其民以厚產爲累野多蕪曠推之他省將無同耶七矣臣惟土爰稼穡以養兆民而宏治田額減洪武之半今郡邑復減宏治之半民食安得不匱度支安得不訕也今日之計莫若兵屯兵屯者高皇帝之舊也以彙集則稱軍以召募則稱兵其宜屯一也烽火雖警而待敵之時原多於戰誠令四六更番開屯給食一年之後即可漸省天下飛輓以裕國儲而地網四

布流移復業客兵化爲土著溝壟屹若金湯中原阜蕃之舊其旦暮遇之乎惟是田具農種目下不免暫勞是惟朝廷之上定計而力行之擇人而專董之庶幾成效可觀也至若民能興屯者似宜推廣詔書事理屯長假以服色得比秩官仍倣祖宗舉富民遺意察其材器量加擢用夫草澤之民能興屯至千夫以上此亦必有御衆之材因而用之以佐屯政庶鼓舞深而羣情勸矣異時克復九邊仍以此推而行之草改折之陋規攷開中之良法重農與通商兼舉祖制之復固中興全盛之日也

策鼓鑄

古之制國用者穀幣爲重貨泉次之三代之興已有錢幣宋元以來始設交鈔交鈔非以錢權之不行而錢質堅不毀零析不耗於民用至便今欲佐度支則鼓鑄不可緩已然鑄錢之患在私鑄盛而官錢壅自昔已然議者以爲不愛銅不惜工而嚴行使僞錢之禁私鑄無所得利勢將自止此其策誠善矣而工料之費或反過於錢則又如其不鑄臣以爲天下郡國有產銅者有不產銅者往鑄錢令下概課之十五省直非策也夫地不產銅而開局鑄錢則銅價頓踴勢不得不殺雜以充課

額而錢既殺雜質脆色黯遂啓僞錢之端計莫若卽滇蜀產銅之地設冶興鑄其錢式依神廟之舊以千文准銀壹兩過重勿鑄過輕有禁設大臣董之天下銅器已成者勿銷其新銅禁勿東出官爲平值採買如此則新銅以供鑄錢舊銅不廢作器鑄錢之地銅價益減其非鑄錢之地銅價益高夫然後可以不愛銅不惜工而私鑄者卒不能爭其奇羨之息有如殺雜爲僞固一覽可辨也民何樂乎舍其精良而行其濫惡哉雖然欲民行錢宜自上始臣竊聞常德監鑄錢必召商人變價解部亦非策也召商變價輕估則其利微重估則行戶留難

而商受其困夫國家期足用而已非謂取必於銀而後可也誠使制錢既成卽以現錢起解每歲解京幾何沿邊鎮戍幾何歲杪開具數目以課盈絀凡百官之俸給兵士之月糧錢與銀米通算關支其民間納折色糧餉者或銀或錢悉從其便上旣用之下必趨之庶幾錢之轉輸若泉流而產銅之山皆國家寶藏矣其有阻抑制錢行使僞錢者有司按治如律未聞行戶市儻敢與朝廷抗也此鼓鑄之當議者也

馭戎篇第六

謹禁衛

京師者天下之根本也國初設京兵七十一衛統以三大營勁兵約四十萬其後承平日久武備寢弛景泰間變爲十大團營則存者十五萬矣宏治中析爲十二團營則十二萬之額相沿至今矣臣惟祖宗提數萬之師東征西討平定海內今此十二萬者較往額雖縮誠善用之以廓清寇敵可也豈其守一京城而不足哉而逆賊以烏合之衆長驅入燕如履無人之境嗟乎京兵皆安在乎臣聞先臣王邦瑞之疏曰卒伍之不足其弊不在逃亡而在占役訓練之不精其罪不在軍士而在將領今提督武臣多世冑統袴不嫻軍旅平時則役占營

軍以空名支餉臨操雇募市人呼舞博笑而已蓋當世  
宗皇帝之時固已患此日中必昃癰潰必決禍患之積  
有自來矣譬則僕鹿主人之宇鬻牖戶簷楹以果其腹  
而不知震風凌雨之將壓已也豈不惑哉夫占軍者誰  
勳也戚也內臣也世弁也當先帝朝未之或改也今其  
人與故都俱燼矣昔之金錢尙有存焉者乎所冀任事  
諸臣實實引爲殷鑒組練禁旅股肱帝室夫居重所以  
馭輕則四十萬之額可追也卽時詘不欲舉盈則十二  
萬之額必不可闕也臣聞五大不在邊五細不在廷故  
外兵宜汰京兵宜益汰外兵核其實也益京兵蓄其威  
也抑臣有進焉去歲薊門大疫京衛空虛募新兵以克  
尺籍流賊之奸細竄入其中遂貽大變今京營招募宜  
用土著倘南直不足則以江浙閩廣益之其北來僑寓  
者雖材武勿用懲前毖後莫亟於此至於江上之師以  
船以器以技莫如閩廣今閩兵集矣其或招致廣兵俾  
當一隊改戰艦之製用嶺嶠之長往來馳突以應諸師  
必非沙唬諸船所及當亦鞏固神京之一策也已

擇將帥

三軍之命懸于一將國家綢繆禦侮惟日不足未嘗不  
言擇將也然而臣竊疑之矣昔者呂尙興於垂釣衛青

奮於家奴冠雲臺之席者仗策之書生成靈武之勲者  
伏鑽之小校設使諸子生於今日非翱翔於甲乙之榜  
將終限於起家之賤也非跋歷於中外之久將仍格於  
資級之遙也未嘗求之不可謂下無其人時事棘矣藉  
有非常之材出焉而以常格持之庸有及乎至若武臣  
專閫固亦有不次除授者而所以推擇之故難言之今  
之諸將亦有多多益善如韓信其人者乎亦有以少勝  
衆如岳飛劉錡其人者乎亦有善拊循士卒如吳起田  
穰苴者乎亦有屯田渭濱而民不擾如諸葛亮者乎亦  
有轉輸河內以給軍餉如寇恂者乎亦有不妄殺一人

如曹彬者乎亦有先國家之急而後私讐如藺相如廉  
頗者乎亦有匈奴未滅何以家爲如霍去病者乎近事  
臣未深悉若前此則固知之矣智不必得勇不必得功  
不必得而有所營託則必得比其建節入軍與援者無  
罪而雖有壹意圖功者小失貴臣之意則彈墨麗之歐  
刀則之是故武臣之畏多口也甚於畏沙場囁囁屏息  
探所欲而敬進之以緩死也兵之脆弱實繇於此如是  
而言擇將臣不知其所擇者何等也方今國步際其艱  
難武臣力於原野繇前所稱或當不至於此乃草昧之  
際事多因仍則又有不可得而擇者矣朝廷長駕遠馭

豈乏合圖然有不可得而擇者則可得而擇者倍宜甚  
慎守則內外相維戰則犄角俱進非有異材曷繇勝任  
知昔之非所以擇斯知今之所以擇矣故賄賂之途清  
則寒畯之才奮吐茹之端泯則任事之氣揚循資未必  
皆非破格未必皆是其要以得人爲本臣之所謂擇也

汰驕羸

今民之苦兵極矣分衣食之奉以養之將以爲衛也既  
不能衛又從而虐之是以民之畏兵甚于畏賊何也賊  
之來無常兵之居有常也賊之禍猶可得而避兵之虐  
不可得而控也伏惟祖宗休養恩深斯民豈無忠愛之

志而旣不能安其生于賊又不能必其命于兵逆闖狡  
黠僞爲仁義以誘之小民惑其虛聲而中原遂陷闖旣  
得志狼貪漸露淫掠肆聞民乃始謳吟歌思知朝廷之  
德澤不可忘逆賊之奸僞不可信而東南半壁始有可  
與共守之民矣是以今日之收拾民心以固邦本以圖  
恢復者其要尤在戢兵兵之當汰者二曰驕曰羸羸語  
其不能爲衛也驕語其反以爲虐也方其瞻悸鉦鼓魂  
驚風鶴則驕亦爲羸及其魚肉井閭咆哮郡國則羸亦  
爲驕以臣途次所經如吉安郡邑室廬焚燬皆不云賊  
而云兵其他復有未經賊亂而焚掠無遺至於流移轉

徒十室九閉者或曰繇饋運不時致之然而小民之厄則已甚矣伏自皇上御極諸臣仰體德意兵禍少戢雖然臣猶怖其卒也前此之驕浚其帥以爲亂法紀得而問之今此之驕怙其帥以爲重雖或問之必將庇之夫國家之所以上下相安者以禮明而分定也禮之防一潰則小可加大賤可凌貴豈惟民生靡騁卽諸將亦何利焉唐代姑息藩鎮其藩鎮亦各姑息其兵然而節度置後繇軍中廢立者不可勝紀夫亦微漸之不防以至此可不戒乎誠使國家之威行於將帥將帥之律嚴於卒伍汰其羸以建威于外汰其驕以銷萌于內則民生遂而疆土漸歸朝廷尊而勳名永著是久安長治之策也故將兵以紀律存乎諸將矣將將以德威存乎廟算矣臣請嗣陳寬嚴之說惟皇上采擇焉

明統馭

臣竊惟先朝馭將以嚴今日馭將以寬寬嚴因乎其時未可以一概律也然過嚴則顧畏勝而避罪亦能隳圖功之心過寬則感戀深而宴安亦能柔果銳之氣且夫嚴則概嚴可也未嘗不嚴而有人焉邀浩蕩于嚴之外天下疑其私矣寬則概寬可也非能盡寬而有人焉擅寵渥于寬之中天下疑其縱矣臣謂尙嚴者必使嚴之



中有餘地則綜名核實愈足明恩尚寬者必使寬之中  
寓坊維則置腹推心亦能作肅昔者孔子對魯君服民  
之問而本之舉直錯枉當哀公時諸枉莫若三桓根株  
蟠結舉動稍輕反側立見錯豈可得乎然而孔子則必  
有說也人主志氣清明內治勤愷方正必親僉壬必屏  
曠戶杜漂搖之釁聲靈馳赫濯之威彼世臣巨室與國  
同休固且將順之不暇而亦可無俟於錯矣唐臣裴度  
之言曰承宗歛手削地韓宏輿疾討賊非朝廷之力能  
制其死命直以處置得宜能服其心故耳度之斯言固  
卽孔子之旨也故曰能以禮讓爲國乎何有春秋之主

不患過亢而猶進之以讓者用寬用嚴是不一術要使  
一國同歸於讓上不大其聲色下變化于肅雖故稱能  
以也不然以水濟水未有能食之者矣臣聞事有難明  
言者必曲譬以喻之伏惟皇上時敕萬幾日新正士組  
練禁旅慎固江防課文吏以廉平策武臣以進取寬嚴  
之宜必有神而明之者詩曰不競不絀不剛不柔敷政  
優優百祿是適成湯之所以興也臣敢以爲皇上獻

固圉篇第七

重守令

往者守令職司民社綢繆無策寇敵之至非逃則降是

守令之罪也雖然亦嘗有以守令之若爲朝廷言之者乎昔祖宗建衛所司捍禦以守令撫編氓守令之無兵非闕也自衛所溺其職而專城之責顧獨歸之守令守令誠不得而辭然而起家儒生以文章受知非有孟賁之勇飛衛之技也雖有賢者先事爲備要未有無兵無餉而能立於多難之衝者夫郡邑之有倉庫也將以爲餉也其有機快民壯也將以爲兵也自隆慶間遣御史四出而庫藏所儲悉歸內帑矣自近例搜括佐餉而所謂機快民壯者裁其額縣不滿百裁其工食月不能三錢矣是以郡邑非惟無兵也抑且無餉無兵猶可致也無餉不可爲也於是議者以爲籍民兵守城夫民旣出租賦養兵矣又籍之爲兵是重困也故以守可以戰不可有急而集之登城可平居而強之訓練不可夫不練而言守言戰未有不潰者也即使民可與守而金鼓旗幟衣甲器械火藥之需不可以無所出城門旣閉城內勇健困窮煢獨之民不可以無所食無米豈堪作糜賦詩寧能退賊乎且夫寇敵之來瀰漫原野卽有素練之兵猶懼衆寡不敵況乎張空拳以應之也臣嘗平心揣之竊謂今之陷封疆者宜罪提兵之將帥而守令不與焉雖然固未可以此寬守令也食其食死其事義也然

而一死何益朝廷抑朝廷豈忍以爵祿之招驅人於必死之地又捐其土地城邑以殉之哉臣愚以爲今日之計莫若併省僻小郡縣而重守令之選裁參遊守備之建牙者而以其兵屬之制郡兵五千人歲餉毋過六萬縣兵千有餘人歲餉毋過二萬所用將領得自署置功罪共之守令各戰其土無鞭長不及之憂而處處有備卽督鎮衙門亦可無煩多設蓋裁之於武吏歸之於文臣益之於郡縣省之於節鎮不過朝廷一轉移間而州縣可爲封疆可固矣今之武將韜鈴未必果勝文臣而龕暴過之曷若字牧而兼干城之寄哉抑臣因是而有感于今之銓法也問內地與衝邊孰難必曰衝邊難也問甲榜與舉貢孰才必曰甲榜才也今其所謂才者則置之其所易其所不謂才者則置之其所難臣不知其可也誠欲內安外攘保民固圉請自重守令始矣

撫遺黎

今議者動稱鄉兵而行之內地往往蹙額相告其故何也小民租賦上供固其常分然而聖天子恭儉樽節所用無幾而歲課皆盡於餉兵民旣竭其力以代兵之耕而復危其身以代兵之戰是故不服也然而今之鄉兵固有可得而議者臣聞河淮以北其民新經賊難惟思

先事結寨自固以待王師無俟加之董勸固已家自爲  
戰矣惟是諸將之進取尙稽撫臣之受命未任誠恐接  
應稍遲或力詘於無援或志移於外向謂宜察其豪傑  
授之職銜以繫其心其復一縣者卽爲縣令復一州者  
卽爲州守庶幾忠智之士各奮其長而小民亦知朝廷  
憫念遺黎不忍棄之化外之意方今殘疆斷絕南土裹  
足且恩詔旣蠲其租賦卽令銜命以往而征輸不入則  
措置無從若復轉漕東南以給之又將疲竭內地而不  
可繼是以中原守令並宜用其人因其俗以節鎮之兵  
聯各寨之兵而卽以各寨固結之兵爲朝廷捍禦之兵  
有能奮勇滅賊毋惜分茅延世與其委之寇敵毋寧授  
之有功此今日經理之要也

### 築關隘

古今用兵之術未有不以形勝爲先圖者也孟孫議戍  
虎牢而鄭人服劉裕兵度大峴而南燕亡良以棄險不  
守爲敵所乘則堅轉爲瑕主易爲客矣是以善守國者  
有險則因之無險則設之中州之地平原千里馳道四  
通逆賊東奔西突悉銳而來我之所備者多而賊之所  
攻者一故往往折北不支而以民予敵今紫極南迴長  
江天塹北阻河淮之險西據漢沔之津此亦足以自守

矣而陳許汝鄧之間版章未歸甌脫相望左足一窺全局俱震亟宜講求圖籍行視形勢凡山川險塞之區水陸交通之道皆築關設守而擇其尤要害者宿重兵鎮之其平曠遼闊不能盡築則課兵士墾闢屯田濬溝蓄水以爲之限卽我兵轉戰而前故疆漸拓而復一縣則設一縣之險復一郡則設一郡之險進足以戰退足以守據其所必繇之道而蓄吾不可犯之威賊欲叩關索戰則我乘建瓴之勢以遏其衝或紆道他出則我治卷甲之師以擬其後豈惟城邑獲安卽鄉落之民亦可免其荼毒書曰申畫郊圻慎固封守此之謂也臣竊觀今之將帥惟喜憑城不樂乘障夫其氣已先餒矣而腐儒撫拾陳言每爲堅壁清野之說以委棄城外之赤子臣見壁未必堅而野且盡於賊也乞敕守令集兵以守城大將提兵以守關凡總兵等官安居城內者罪無赦將見憂患深而智勇奮將軍有死之心士卒無生之氣田單之所以復齊也故關門設而關內之民安重兵宿於要地一關設而數道之民俱安小民不至降潰則土宇無虞崩解矣今京城門禁森嚴然且不廢柵閘奈何於並邊而忽之也

審方畧

今敵聚於北獻橫于西而逆闖竄伏秦中尙通天討皆  
朝廷之憂也然而罪有輕重則局有先後勢有同異則  
道有剛柔方畧不審非惟不可以戰抑且不可以守臣  
請以藿食之見爲皇上陳之夫逆闖震驚廟社罪在不  
赦而其狡僞狂僭不宜久延以養其銳非亟行剿滅無  
以慰宇宙之心而倡忠臣義士之氣所當首議者也獻  
賊暴掠所至殘其土隳其城非有大志今旣蹂躪重慶  
川分爲二八險阻之中而東西受敵此成禽也蜀兵技  
擊不減於獻輔臣旣承皇上付托宜足辦賊但令督撫  
嚴兵夔歸之間過其東出足矣荊州檀魚米之饒擁山

海之固宜亟行恢復鎮以重兵北應襄承西通蜀道此  
國家西門之守使闖獻不得展其窺江之謀者也至於  
敵人之取燕京皆取之於闖非取之於我不可昧事勢  
之宜而強與之爭且當逆闖得志率土震慄非敵騎橫  
擊之闖且悉銳南來時事未可知也今國家遣酬恩之  
使此固時勢宜然而使節尙稽約誓未定臣觀今之議  
者一似闖敵並營無復次序又一似先齊魯而後楚豫  
臣竊惑之夫齊魯之交當逆闖僞官布滿之日舉朝不  
爭而今顧與敵爭耶審如此則將速敵之來而又以寬  
闖之罪敵席累勝之勢旣非新集之旅所能支而闖當

養銳之餘將爲南牧之謀而不可遏臣謂方畧不審則非所以守者此也臣度敵人今日我不速覺彼且按甲未動稍收甌脫之士以益其封徐觀勝敗之形坐致漁人之利其不肯悉心助義亦可知矣而我練兵選將扶義而西足以自振蓋不必將伯之呼而后可也然而酬恩之使至彼且陽浮而從之我因陽浮而馭之使突騎毋進而北顧可紓也使敵與闞獻毋合而西事可爲也使河南之士毋折而入於敵而兵道可通也今宜速諸鎮出開歸移南督守淮海分道長驅亟取襄維則闞不敢東而楚豫之士復爲我有矣夫然後因利乘便布德兆謀廓清關隴之塵一雪神人之憤寇氛旣靖則所以應敵者亦當自有長策非謂遂以河北委之也故較之以計而索其情酌于剛柔知所先後是今日守戰之要畧也

討逆篇第八

復襄維

用兵之術致人而不致於人秦雍天府也潼關天險也往而攻之雖幸而勝所傷必多然而逆闞負不貫之條漢賊無兩立之勢我卽不往彼亦必來來而禦之淮漢之南受敵也多則非所以守也且去秦關也遠則非所

以戰也今宜移檄遠近明討賊復仇之義皇上素服郊  
次親獎六師然後命江北諸將繇開歸復伊維命楚中  
諸將繇荆郢復襄樊既得其地則開鎮設守制督撫諸  
臣次第北發聯絡而應援之夫然後鎮伊維者或徑桃  
林以擬潼關則賊之前戶也正也或絕河津以度蒲解  
則賊之左脅也奇也鎮襄樊者或入武關以趨同華則  
崤函之進退失據也正也或道鄖漢以臨子午則咸陽  
之右臂震動也奇也兵家之勝不可先傳要于更番迭  
肄誘而致之使賊疲于奔命而後一舉而收蕩滅之功  
則必以襄維爲之本諸鎮臣受國深恩竭忠圖報軍中  
不乏奇謀必有以此策進之者矣至於轉輸不絕以給  
軍儲蕭何寇恂之業度支任之如必取盈而後往坐稽  
歲時賊或捐開歸以餌敵使我兵不能西然後下轅轅  
之甲出宛葉之間則我失其所以攻而賊之勢成矣故  
戰守成敗判于呼吸老師翫寇非計之得也

結甘涼

逆闖失勢于燕竄伏秦中未聞東出何也彼其西掠也  
河西之地水草饒士馬其人健鬪而好義光武之世  
竇融先歸東晉之朝張實奉朔卽唐肅宗倉猝西奔亦  
以靈武奮跡此其已事矣我祖宗奄宅方夏謂是三危



以西地遠而介於戎翟爰設甘涼等衛以行都司鎮之東據黃河之津南阻浩疊之險雖河套陷沒固原內徙而河西巋然獨存則其效忠朝廷而足以自立之徵也然而闖之西掠固有可以懸揣者往者賊騎初破秦關不旋踵而懸軍犯闕志不在秦也今既爲敵所挫方且治秦以爲窟穴而根本未固一旦介馬東馳則畏河西之議其後且其志以爲兼延漢跨河洮縱丸泥封關猶不失爲姚興僭檀趙元昊諸人以徐觀時事之所定故臣妄謂闖之未東出也彼其西掠也闖大逆不道計河西必不服今且與闖相持平或折而入於闖乎抑聲聞

斷絕勢孤援阻不得已而從之乎皆不可知然使朝廷之信息可通則河西之忠義必奮誠得具文武大略好立奇功如陳湯班超其人道川蜀徑嵩潘開關衝命務求必達使甘涼之士皆知中國之有聖人而卽以便宜持節發其義勇整旅而前與襄維之師遙相犄角收環慶之遺黎據回中之險塞賊西則堅壁勿戰東出則尾而縛之不過二載賊必授首此制敵一奇也夫兵家之勝知彼知己故用間設奇不可失矣往者賊中奸細布滿幾甸我之動息賊必知之而我兵偵探無術信其虛聲便以爲衆寡懸絕因而奔潰者比比也今賊中的耗

亦有知之者乎西掠之論臣直意之而已

勵和衷

臣終有感于和衷之難也師克在和自古記之少長有禮而晉文之霸以興六卿交讓而悼公之業復振若夫相州之潰雖郭汾陽不能遏也靈壁之潰雖李顯忠不能支也則不和之以也夫人臣比肩事主念股肱一體之誼謂宜相救如左右手而或異同分於意見讒構中於恩仇忌嫉起於功名嫌隙開於寵利不和在朝則朋黨互爭國是乖刺變遲而禍深不和在軍則進止衡決媚勝幸哉變速而禍烈故有孝友之張仲而後吉甫成

北伐之功則內與外宜和也有折節之景宗而後韋叡奏鍾離之績則將與將宜和也有橐迎之李愬而後蔡人知上下之分則大將與主帥宜和也方今討賊平寇非征伐不爲功而軍中機會萬變犄角相依少有參差成敗反覆伏乞皇上敕勵諸將同抒體國之忠各釋猜嫌之隱僉謀而從其善急病而讓其夷勝則俱進毋專其功敗則相救毋樂其禍庶幾一德一心立定厥功惟克永世自非然者外侮方殷而闔牆未已於古昔廉藺之誼何居而亦豈所以善功名之際乎雖然人心之不同猶面也非訓辭之所及也臣願朝廷之上同寅協恭

小廉大法機有當速毋以有所愛惜而遲之勢有當緩毋以有所排擠而急之人期於適用則祁奚可稱解狐之警事戒于紛更則曹參一守蕭何之畫公卿和於內斯將帥和於外矣臣觀漢光武卽南卽位之年不過河北數郡未及今日之什一然未幾而光復舊物者則以一時諸將各奮其智勇而歸於和衷賈復終釋寇恂之嫌鄧禹不忌馮異之勝劉尙被困而吳漢潛師王霸閉營而馬武無怨帝能推心委任各當其職手書告語動中機宜而諄摯若家人父子中興之所以速也故感天下之心者在誠成天下之務者在明誠與明合則舉措審而和平著矣臣願皇上比隆光武者此也

定大舉

今東南治兵半歲于茲矣未聞尅期西發以雪國耻臣竊惑之夫先發制人兵之善物也今使寇滋蔓而至我不知其所攻則我勞矣使我分道而進寇不知其所守則寇勞矣故臣終以定大舉請也凡以作六軍之氣慰率土之心振九廟之靈禱羣盜之魄也事機之會間不容髮今敵有可講而防之也過深寇有可伐而持之也已久是見怯也使指未報而開疆始於青齊西藩未開而經略緩於荆郢是見疎也臣謂講和者使臣之職滅

獻者舊輔之任唯是討賊復讐誰不反顧則陳師鞠旅  
滅此朝食非諸將其誰任之且臣所謂大舉者非遽責  
之深入也北取伊維南取襄樊經理既定而後進而蹙  
之也楚豫之間逆闖布置僞官僅同兒戲大兵一臨喙  
息不暇臣竊謂襄雒旣復方當重煩區畫以策萬全若  
其前此者猶振槁耳今於其易焉者而猶若難之何也  
誠使師期一定遺黎聞之必且壺漿以迎豪傑聞之必  
且屬橐以俟逆闖聞之必且歛兵自保而未敢來窺且  
夫以馭將帥毋使遷延勝而報稱薄也以核軍實毋使  
歲月久而糜費深也故曰大舉宜亟也至於選銳濟師

則督撫之略也轉漕給軍則度支之責也安撫遺民則  
司牧之能也慎擇羣吏則主爵之治也凡此皆廟算之  
要目前之急也若夫敵人來修好則資之可也其陰陽  
觀望則羈縻之可也毋示之弱毋速之覺彼知謀國之  
有人則亦未敢輕動也闖旣破滅獻亦芟夷然後修文  
告之辭嚴守戰之備所不歸我戎索祈筆管之金甌終  
可復完遠人終當孔淑也夫言之匪艱行之惟艱餉也  
兵也守也戰也時務之急也民心也風俗也立國之原  
也而圖事揆策設誠致行則皇上與公卿大臣之事也  
光武之全盛可追殷周之歷年勿替其大要在乎知人

安民而大本存乎清心寡欲臣日爲皇上望之也

文獻二集卷之三 終

廣東文獻二集卷之四分目

鄺中翰嶠雅集

列傳

附論

自讚

石巢詩話

自識

文目

張穆之詩序

陳孟長集古詩序

廣東文獻二集

卷之四

分目

一

春暉堂選

海覽

雲潭記

遊虞山記

詩目

止酒和陶靖節 以下五言古

二臣詠 有箋

婆侯戲韻效宮體寄侍御梁仲玉

謔林淨社考祠粵東文獻寄呈香山夫子

七哀 有序

擬古 四首

送區啓圖出宰平山

寄朱叔子 有序

從駕獨秀山遊觀應令

數詩

六府

絲瀟湘謁衡嶽

汎彭蠡

述征十首 有序

秋胡行二首 以下樂府

兒母牽衣啼

秋胡行九首 有序論

鞠歌行

順東西門行

君子有所思行

苦寒行

短歌行

猛虎行

陌上桑三首 有序

當事君行

寒食吟 以下七言古

趙夫人歌 有序

花田飲陶十一白郎

刘玉歌贈王山人

洞簫行

扈蹕臨雍歸自中書堂呈蘇相國一百韻 五言排律

洞庭酒樓 以下五言律

登九子

人日登粵王臺

九詠寄從兄湛之塞垣 有序

邊風

邊月

邊塵

邊角

邊笛

邊雁

邊馬

邊柳

邊草

移天目松

梅花

青浩

萍

賣書

乞食

次兒爲馬兵網去客有鑑其胥靡解驂贖之詩以

訓焉

贈內子鄧碩人糠齋有序

甲辰二月初六甘露降有序

摩天嶺望安南

五松天門訪冷雲巢居



留都贈梁非馨

有論

寄內

寄鴻兒

寄閒兒

別楚艷秦媽

贈雲愁愁二首

有序

秋思

佇立

蘇堤

桂林宗侯燕集

曲中見雪

池陽六門三土巖逐妓予出祖之

西湖上春

江南春

文選樓眺望

出京

道明水望三十六峯

淮上

秋浦鍊藥

巴陵琴酌送羽人游青城

震澤送劍客入廣陽

蔣陵送孫枝游華嶽時予將南還

雪中譜琴汪公子拉顧眉生同聽

姑蘇送雲將入洛

隋堤送漆雕龍

山中送人歸途已長觸物有嘆

皖口值區啟圖出宰當陽

皖城謁石巢先生

文選樓畬石巢先生人日見寄

杏花堰訪紫落隱君

贈安南艾山上士

逢郢客問滇陽土風

建業送袁羽人歸羅浮

清明

踏青詞

寄侍兒青琴

青琴畬

人日寄雲綠蘿

負芻

洞庭

浮湘

巫山之陽香溪之陰明妃神女厥蹟存焉

君山懷二妃

虞山謁舜祠

池陽謁昭明太子遺廟二首

赤嬰母十二首 以下七言律

浮湘禮三閭墓田尋賈生故宅

長安夢

有序

浮海

黃鶴樓

君山七夕

燕臺送王李二舍人出貶衡巫

九日登鳳凰臺

吳越吟

嚴關逢靖江長史立馬有贈

獨秀山侍燕應教

蒼梧訪太真綠珠遺蹟

莫邪關楚望

莫愁湖贈劉瞻甫

吳楚倦游

前歸興

後歸興

滁陽寇退李太僕曉湘有干城之功却寄

吳楚感秋回文二首

雁翅城

都嶠得蘇楚臣書却寄

孟蘭盤玉山記游

山堂臥病孫宏先裹藥來看

花田餞朱未央時余歸自都中

吳于遼載酒偕粵中詞人三十輩同集小齋

大參李如穀先生冢君侍御子木訪予虎邱寺

送興化趙使君奏績神都

水仙花

遊飛來憩和光洞尋五色榴花率爾忘歸

送梁若木太史奉節還朝

元日侍香山何夫子燕寶綸閣

游圭峯偕故園諸弟妹

壽鄭元戎

立夏謝元邱招游石澗寺與陳孟長醒宸二山人

琴酌

客西林聞警東何人止

江門謁陳文恭白沙先生祠

贈劉中秘懷默

厓門

演露堂成爲何司寇文玉賦

孤憤篇

竝蒂蓮爲何夫子賦

乙酉入鄒留別古岡諸同社

留別何夫子

何夫子拜命元揆詩以趣裝三首

岡州重訪陶昭輯昭美昆弟

廣東文獻二集

順德羅學鵬雲山甫編輯

卷之四

男 培植槐校  
清會繪

鄺中翰嶠雅集

孫 吉祥 朝璉 忝

列傳

鄺露字湛若廣州府南海縣人生而甘露降庭因名露  
幼聰慧絕倫年十三補弟子員為人尚氣節工詩古文  
詞愛讀莊騷史記詩法漢魏盛唐工篆隸行草徧遊燕  
齊吳楚所至為之傾蓋制府張鏡心築館崧臺下榻禮  
之所著有嶠雅集

湛若工諸體書督學使者以恭寬信敏惠命題校士

湛若五比爲文以真行隸篆八分五體書之使者黜  
置五等湛若大笑棄去縱遊吳楚燕趙之間賦詩數  
百章才名大起歲戊子以薦得擢中書舍人庚寅奉  
使還廣州會 大兵至與諸將戮力同心死守凡十  
閱月城破幅巾抱琴將出騎以白刃擬之湛若笑曰  
此何物可相戲耶騎亦失笑徐還所居海雪堂環列  
古竒器圖書於左右嘯歌以待騎人竟爲所害爲人  
好恢諧大言汪洋自恣以寫其牢騷不平之志或時  
清譚緩態效東晉人風旨所至輒傾一座至爲詩則  
悲天憫人主文譎諫若七哀述征諸篇雖小雅之怨  
誹離騷之忠愛無以尚之

子鴻字劇孟亦負不羈之才年二十餘能詩擊劍先  
時丙戌之變率北山義旅千餘戰於羊城東郊死之  
得贈錦衣千戶父子皆烈士也而世徒以爲風流曠  
達詩人也噫

自讚

不偃不倚亦援而止入金馬而壘湛頌碧雞而嶽峙  
文漸皇墳書泮龍史生平今而古道是起愚賤汝身  
及爾孫子

石巢詩話

湛若諸律以曹劉鮑庾之才降就沈宋之法如驅八  
駿旋折於蟻封之上故韻流於蘇李而醞釀深於韜  
川襄陽超百粵而孤出陵三唐而特奏

此吾師雅言也郢人之質未虧鍾期亡耳不作天  
慙遺矣世道喪矣向秀所以援翰於山陽羊曇所  
以隕涕於西州也 鄭露自識

嶠雅集文選

張旒之詩序 別字爾啟

詩之道一喜一愠盡之矣無所喜無所愠無詩矣喜斯  
陶陶斯詠詠斯猶猶斯舞八百賡歌明良喜起之所為  
作也愠斯戚戚斯歎歎斯辟辟斯踊三百篇聖賢發憤  
之所為作也士炳靈河嶽倜儻負意氣憫時政得失達  
事變而懷舊俗主文譎諫失職而志不平固其所也鮑  
龍跪石而吟寧戚扣牛而吁介推竄號於蛇者范蠡伏  
喙於狗竇或通於聖人或格於霸王聲之感人深矣予  
友旒之不幸類是旒之垂天之羽困於燕雀生平不見



可喜韞言笑短小類郭解沈深類荆卿相劍類風胡畫  
馬類韓幹飲不能一蕉葉而日游於酒人儲不能踰甌  
石而好散粟募士磨門無五尺之童而駿馬實外廐恂  
恂似不能言呵筆而千言下志投筆而擅美六書薄雕  
蟲而專精繪事小而徑寸大而方尺鈎圓飛白咄嗟立  
辦腕中有師宜官也解衣盤礴鬼出電入滅沒權奇馳  
驟於紙上目中有九方歎也今天下北栢胡南阻寇荆  
襄河雒流血標杵神武勤拊髀之思英雄抱憂天之涕  
愠耶否耶余惟系蚓之穴於神邱其爲物至微細矣汚  
之以沙泥厭之以糞土感之以時變而聲振月露放於

太清况拔山扛鼎之倫排秦哭漢之士朝不坐燕不與  
撫化徂遷有不震金石泣鬼神而興百世者哉故能爲  
愠之戚之之人之言乃能爲喜起之言之人不然旣之  
之詩固在也其旨數百其體屢遷翼虛無翔寥廓徜徉  
佛老有屹其棲變化見矣嚮使壹壹者不能化醇則邱  
蚓不爲復育復育不爲予蟬英雄無脫徙之期則范蠡  
不必遯鴟夷穀城無黃石之祀矣愠云乎哉

陳孟長集古詩序

予束髮讀孟長集古詩與其刻竹鑿缶未嘗不歎其用  
心於無益之業棄其日於三年之學也又十年其業益

精予日益開始知有所托而逃云孟長閒居師友造化  
謂恬筆未作書用錯刀鳧氏未興食用土簋削竹作筋  
琢瓦作釜飾以箴銘疾如風雨使人得其精而亡其麤  
尙其象而升其質貽諸同人無倦予戲孟長子之器登  
於時象筋廢於鹿臺燕鼎委於磨室天下可長治而不  
亂子之器弗登則醴鬻以糊余口棄周鼎而寶康瓠瓦  
釜雷鳴猷不失騷人本色也孟長嘆林失筋酒酣出集  
古詩余爲敘之孟長抱潔遐志爲詩多陶柴桑章蘇州  
風味又能不自運托古以運中必有大過人者辟如重  
雖旣鑄人美其器而石不稱圭璋旣琢人尊其瑁而璞  
非寶孟長之於唐猶書之於竹成器之於瓦礫也夫集  
古者綴衆芳以爲甲帳聚沆瀣以釀醍醐人之所能也  
至於矢口成聲隨觸生變胞其新容奪其故相調四唐  
之風旨標會皦然如出一口一時之語使九原可作將  
爲之歛歔擊節手舞足蹈不知誰爲之者如胡寬營新  
豐老幼雞犬舍其故而圖其新方歎相馬觀天機於存  
亡滅沒之外物色牝牡一弗敢知豈人所能哉長孟之  
託於詩者如此托於物者如彼以彼其才出其偉畫爲  
借筋之留侯銘其格言爲鑄鼎之正考父用其述古有  
獲爲頌魯之奚斯奚所不可迺老其才於黃雲紫水之

墟耗雄心銷白日於無益之業胡爲也豈天以無用奇  
孟長孟長適肆無用之業以寄其用耶吁可以傳矣

海覽

偃金峨赤堇逆日東漸凌候濤跌鼃柱金雞虎蹲蛟門  
峽束敞分夷夏博扶搖揭百尺若梟將捲旗而出蓬蓬  
天上脫屣神州過橫水洋鍊蓮花洋宿普陀頂思涉波  
濤夢與龍伯大人六負帝鼃躡足方壺而漉弱水喟然  
嘆曰予始學釣鼃乃不幸與神僊同劫哉俄而金拊冷  
然身在定中噲爾交器陡眎星月皓綴櫺檻離魂與習  
次相駘蕩耳欬欬惟嘆徐而霞舉雲蔚靄昱絕電大火

輪倒燒海水僊州靈躡鑽若朱戟絳闕排雲吞吐於鼃  
峰殼中壹壹變蜃知其何故哉余家羅浮三更見日登  
岫巖泰岱自謂觀止方斯蔑矣晨禮大士畢觀夷王太  
子增恠石截岌英多環列天王特異中土過海潮尋大  
智景堂禮管同晤鷲僧傍陀皆邑金暕方瞳居山百七  
十年所矣越日登茶山眺大荒鬱夷金霧含明烏衣郁  
夷蟠木閩苑浮筠近睇三韓日本倭奴末盧伊都蘇奴  
琉球瓜哇斯焉古都如列宿麗天盤手可掬也洞之奇  
者西得蘆音深黑宵窳亘天而海高掌遠擘澗泐怒六  
合颺盪蛟涎蜃甲冰瀚其間石曰盤陀侵壘嵌漢將飛

未翔下巨石二形如龜鼈驥首戴之山僧以鍊索梯客  
金骨未道惴惴乎思廣漠之遷於窮髮耳幻且恠者南  
得潮音上穴下瀨爛罔時有光香氓捨身捏恠恠物磨  
牙吮之中景勝者曰白華洞鳥道百盤巖雲緣乳竇入  
松房偃偃系系如蠶燕爰石齒間夜半望落伽聖燈灼  
若夫容敷其藹方僧喜見無畏蓋山澤爭氣必光熒臺  
刑德積精是生陰火峨媚衡麓匡鼻君山隨地易名桑  
門多見少恠耳翼日上已遊氣褰輝乘檣桴抵落伽土  
無膏地無毛水不容舫非登真之子罕至焉其洞劔牙  
傑豎海颯潛連龍嘔鯀噉潤濶無端倪矜泐纒絕處海

松衣之剝亂絳節勾引風雷若道士舞雩髮毳朱篆防  
身戰勝者肥也登桴戕風翦激天勒雷駭泮瀾嶽就一  
葦星崩析木泱泱沃焦磔磔海童眇睞罔象爭寧衝波  
突躡匍匐嘤嚶眈眈乎其中余游目若素舟請曰夫子  
履險亦有道歟對曰無險也余生平所履適相若矣予  
前年避地日南儻而黑齒儻而荆蠻儻而瑯邪儻而吳  
會儻而姑篾儻而甬東南走脩蛇北走亂賊處陸陸沉  
蹈海海歎孰遠孰近孰夷孰險何容心於其間哉且化  
者無私將浮我於孽搖頽瓶乎將翳扶木而御羲龍乎  
將流漂於大人君子之國乎將藉薰華揖讓帶劔而使

二虎乎將汨汨沒沒於小人靖人之墟乎將朋犁雷之  
尸爲徒乎何渠不可居也舟師默然風亦晏止七晝夜  
迺返蓮洋望梅頂金沙曠如隔世子真洵吾師哉返權  
昌國過灌門海底柱屹雲谷王所漚聲如鵬擊必兆薦  
雷過者雨物殺其勢否則入于困矣回眎馬秦桃花諸  
山問安期脫王餐棗灑墨成桃花處眎曩者挾策于人  
有間矣黑焦旣導赤橋旣津祖龍駕鼉御龜寅海賓日  
叱神鞭血石喚之尙腥世儒徒知劇秦不知秦能懷柔  
百神役使羣望其度越世王尙矣及登滄州弔徐偃王  
故宮徐與秦同出伯翳之後偃王誕得朱弓赤矢之瑞

躬行仁義去刑爭文德漸於四方時豨天子與西王母  
觴於瑤池之上漢東諸侯無所質正遂賓祭於徐庭執  
玉帛而朝者三十有六國豨王愬歸而連謀諸楚楚文  
王問王孫厲曰若有道安可伐也曰楚不伐徐事徐矣  
夫大伐小強伐弱猶大魚之吞小魚也猶猛虎之噬孤  
豚也戰必克楚伐徐徐不忍鬪其民北走彭城仰天歎  
曰予賴於文德而不明武備抑秦亦有鑑耶何武備之  
明也頰仰之間角聲甚悲海甸防倭卒也旌旗黼汶如  
曙星敗虹與天津登萊同一兒戲嗚呼疲東南之餉以  
奉傾波何武備之足賴此杞人仰天而吁魯陽荷戈而

歎也復登東霍望弱水求五城不渡思擁徐市樓船藉  
圖書陳重器選羽部鳩百工振子萬僮瀾漫天海蓬萊  
日月信非虛擲余嘗恠尼父乘桴魯連蹈海呿嶁空言  
彼惡夫倦客貧辛望洋而返耳

雲潭記

圭峯去城二里許拔雲削豎南隸洪溟兩掖飛湍從衣  
帶間出泠泠作環珮聲若至人端圭輯玉高蹈海隅山  
麓爲玉臺寺寺門左折踰石梁遡危磴引道青松皆何  
司寇所植松盡處爲大林寺梵天鐘磬舉玉臺六時相  
畚甲申黎民墮饑司寇損口捐糶民恫斫松幾盡穩且

概矣余庚語司寇植松民雖恫其誰忍剪拜傳曰百年  
樹人十年樹木司寇得所樹矣寺外爲靈谿橋橋北諸  
峯造天若孔翠開圖金猊擘海陸離雲霧間不可仰視  
曰綠護屏屏半神皋奧衍灌爲天田田方百畝噤龍耕  
煙者之所有事也予庚語司寇以負郭易之爲大林衲  
衣之費屏中界水三分與白虹亘天而下中紐匯處號  
曰聖池池產蛟龍歛息成雲儵歛萬狀昔陳文恭與周  
鎬作雲潭之游咤莊定山者是也余恒寤寐其地杪秋  
聞四忍知津拉謝山人同遣飛梯百盤屢迷所嚮薄暮  
歸樵指西南一峯去聖池不遠予尾樵至下慰以儼潛

虬頰瞰潭煙若搏鵬背而望鯤池蒼蒼者非正色也悵  
然而返時漏初下城禁甚嚴月星澄暨忽聞崩雲裂石  
悽悽悒悒貫於陵麓噫噫此吟龍聲也豈霧瀨僊子效  
蘇嶺真人期余汗漫間哉喆鼉歸語司寇騫然願往孟  
冬飭饗命侶侵星至霸谿橋飯畢上綠護屏值龐眉荷  
芻者司寇捨車問道荷芻散杖感頤曰余童年採藥采  
入斯墟今菟矣疇能摸索女哀衣徒也弱而凌危母寧  
爲蛟龍得諸予奇某言提履徒跣跳躍請隨過大小二  
石樓司寇與四忍重趺莫及捫蘿下澗余招謝山人高  
袁清挾一詞童鼓勇前導遂抵龍潭雲氣蒼鬱觀面不

見但聞水聲殷殷轟轟振振顛顛從頂門作硃轟吼諸  
子匍伏草菅失荷芻所在俄而雲氣升舉天地豁鬱昔  
之輪困者如水波矣如赤繪矣上如羊下如礮石矣童  
童如車蓋者霏霏如絳衣矣謝山人踞危石自謂觀止  
然此石去聖池尙風馬牛也余目袁清乘霽下厓二僮  
子躡之蝸旋螻屈手口竝運膝腹俱敝挂同伏穢動若  
遊蠹百餘似抵澗澗道嗽噉涸陰沍寒巨霧所擘夸娥  
所負丹崖雪晃異卉雲構紅藤倒垂蒂以朱寔陡下百  
級有石如門劃然中開水從門限下注聖池池水撥墨  
中邊作青藍琉璃色傍通小口斷崕千尺蒸雲洩雨經

貫塘嶙砗砢却淖瀉爲雲潭池左方右盈丈琳琅晶瑩如豐碑下湛水碧恨無如椽爲龍宮點額耳水霜凜冽淪入肌骨毛髮颯豎不敢久立亟尋嚮路下山半嶺聞歎歌聲披雲下視司寇偕獨峯長老箕踞雲潭指百尺飛流咄咄咤人矣予至司寇亟浮大白問曰聖池之游與雲潭孰逾予謂土闕九天下睨九淵鬼出電入神搖魄奪若士軒臂而進盧敖伯昏垂足而揖禦寇則聖池尙矣至如林泉磴埭景物澄擴停雲奏玉留目送懷思托流波言眇河漢遊觀之美雲潭著焉潭上石壇圓潔可坐百人予作建斗壇其上潭下之水注爲洿池水皆方折鐫曰騰龍經緯農祥彈厥赤魃亦奇構也指顧閒白雲起屏中夕陽映之玉膠金贊予惟天地間祇一氣耳神龍得之上爲雲下爲澤澤及一方雲普天下聖人得之乘龍御天經綸屯難造我王家司寇得之處必澤物出必奉天與夏后雙龍翱翔虩忽之上夫何容心哉風雲感殊而飛躍之勢異也

遊虞山記

虞山帝祠秦松夾道若駕蒼龍乘雲螭南巡之狀其後堯山蔽天而下其前灘江經之皇灣緯之其制度則外朝內寢帝蟻肅於明堂二妃正於端幃儼然南面而蒞



之其儀禮則主鬯冠衣劍佩三十有九助贊幘衣一十有六籩豆瑚簋彝鬯洗罇鼎孟爵卣幡鼓絙瑟七十有七廟後有洞鑄曰韶音石質純青深十三丈有奇其傍蹲龍走虺狀若笙匏墳齏者無算洞後見招隱山魚泛鳥瀾若握鏡之望方壺也外有鉅石西臨皇灣上左折爲南薰亭鼻山枕灘諸勝攬擷其碑晉有庾闡之叙後魏有溫子升之碑唐有張曲江之文宋延清之詩觀亭之隸李陽冰之篆宋則朱紫陽之碑桂山文獻茲焉特盛出門薰風徐來舞於松栢之下石竅土囊蘇若鈞天不知身在何世也

與遊者呂閔之譚殿楚趙德馨歸醜王孫席上默識  
諸碑遺一字者觴一太白

嶠雅集詩撰

止酒和陶靖節

止酒不可止得酒性迺便何世非大夢何夜非長年何  
 天非曹曹何帝非陶然大歎盜海嶽醢龍脯磨肩小歎  
 盜沼汙烹葵醜莖蓮嗒然既喪我優哉復忘天天豈與  
 我違太稊同周旋笑彼獸清醒懷沙甘湛困沐猴希萬  
 乘封豕冠進賢乘輿辱執蓋其豆橫相煎手持一罇者  
 不受諸可憐

二臣詠

張侍郎家玉陳閣部子壯

供奉天廟姿飛躍及犇馬維秦誤索韓策漢動方賈義

聲震龍荒號召遍區夏遂日功詎虧蹈海志迺寫俠骨  
輕馬革裂皆東城下

芷園文豪武俠闖賊陷神京時大節不屈隆武中徵  
兵入粵王師敗績公將歸命紹武王師再敗績粵東  
又陷公遂倡義羅浮與九江中宿龍門為犄角堵江  
之役單騎入萬馬中結纓而死得其首者懸之都門  
七日顏色不變秀眉如畫怒髮欲指當事者過之雙  
瞳躍出向東方而去子胥剛目何以尚之

自箋

秩宗誕宏志衰日走丹陸夔屈煥龍驤冥量超倚伏吞  
舟運蓬壺渺然枯四瀆金猊掌其鱗焉為嚇其肉遺卵

何足云嚙嚙傷獨漉

雲淙有韜世之量將畧或有短長然驅市人而戰囚  
糧於卒難與最勝者爭鋒也觀其從容就義甘鼎鏹  
之如薺視妻子而若免修髯玉立風流文采與謝康  
樂同而臨刑之地又同死辱一時痛生辱萬古嗚嗚  
呼審矣

自箋

婆侯戲韻敦宮體寄侍御梁仲玉

東粵古揚州新年競冶遊月規麋作鏡人疊綵為樓百  
花裝寶樹萬舞雜名謳逐電驕花馬垂星服幘牛穗石  
神羊觀坡山古渡頭結友皆無忌邀歡盡莫愁傾國復

傾城千金一笑輕逢場先作戲遇酒輒忘醒翠袖銜恩  
割魚腸任俠行面粉分何晏眉山威長卿書裙邀大令  
推塵倩寧馨鮫鏡連海市鼇岳擎天起莫愁蘇合香灑  
醉薔薇水琵琶彈木魚錦瑟傳香蟻鬼面飾丹鉛僊袂  
飄紈綺三緜鞵似雲九陌平如紙宵分興轉酣車馬更  
驂驪跳九揮玉劍走索上烟嵐降龍還伏虎爭獍百獸  
儼巴蛇蛻象骼神鯤振鵬羽天門斬鬼伯地獄降魔主  
幻人出化城天梯滅金炬玉兔媵靈娥遊鹿胎仙女歛  
訝泰山傾流觀滄海豎鳥獸亡其瞽魚龍相噓乳官山  
神珥地府水王驅雨爭輪火樹回莫惜玉山積堯萁初

滿莢舜瑤乍飛灰風歛長樂漏花落壽陽梅北斗低秦

嶺東星上漢臺王孫游未返公子詎歸來並轡元宵馬  
同心長命杯民謠歌樂只聖壽贊康哉歆有供驢令難  
容司馬才

甲戌上元跨馬值黃令公行憶梁侍御請罪弗釋予  
亦曳裾長安留滯維揚感曩粵之繁盛愍今時之凋  
弊逝同碩鼠哀切螻蛄而終之以媚嫉庶幾風人之  
旨云

謂林淨社考祠粵東文獻寄呈香山夫子

正聲寢周轍王化成駘堙栖栖魯素王板衛彌昭宣秦

廣東文獻二集

卷之四

劇中翰嶠雅集

五

春暉堂選

灰掩遺烈魯壁垂空筌楚音匯貞奏哀怨劇蘭蓀枚傅  
濬洪瀾建安疏流泉六代雕蟲工三唐載雉妍鯀音促  
代運佻巧傷和平宋元寶詞曲稊稗葑原田遂令鷓鴣  
音變我蟻鳳懸黃鐘閔玉尺浮罄恹金困禮失信謀堊  
交南奕蟬聯重華遺簫韶九成煥中天周頌陳雒宮楊  
生表河暝曲江倡正始神物應期還貞籙祚皇嘏龕胡  
戲時愆鑄采受九牧播芳釐二南典籍厲高唱文裕富  
瑤鐫秘書絲斧藻司空鏤丹鉛比部濯漣漪宮坊潔璵  
璠蜚英訶子國載筆虞翻園金標遶雲漢浮屠凌璣璇  
優益淨瑤砌苦提肩雕椽筆授影文儒風旛幟詞源代

丁不憖遺恨恨中心悵眷言二三子披荆樹荒砥千齡  
元遐軌慮世若比肩鳴鸞戀儔匹元龜昆再取薄言蠲  
尸祝女墟離奎躔詞命譖妒世束髮裹迤邐懋草不可  
鞠幽蘭終棄捐興文屬夫子明德薦馨恹金鑑韞龍圖  
玉符漱慶編百粵纘韶風太龢彈羲弦補袞樂周讌鈞  
璜遵渭川玉振萃前脩朱華開夕鮮停雲如何邈植我  
匡山蓮

七哀三首 并序

七哀謂痛而哀義而哀感而哀怨而哀耳目聞見而  
哀口歎而哀鼻酸而哀也乙亥客二京規今鑑古沿

遯曹王之業以通哀思論世者攷焉

潔身辟憂患中衛逢罍亂棄置父母國荆蠻任逃竄朱  
家匿季爺劉氏依王粲黃巾動地起驚蓬隨風散衙聞  
剖竹者衣冠委塗炭妻子縱剝辜齒髮從焦爛炊骨無  
堅攻殺身誠甌瘴屍僵橫路衛我行且復且驅馬入鳳  
陽流黃傷彼瓚靡靡行邁人悠悠起長歎

其二

尚君竄池陽奚爲久淹茲晨鴻志北嚮有猘相背馳登  
山山絲邈涉水水逶迤鱷鮪塞江海狐兔昇京畿行行  
將易子殺之持作糜采薪望空屋得寸矜相持瓊粒漂

母惠緋袍故人貽朗月照閒房素琴光陸離別鵠變殘  
形微音酸心脾無徒帶長劍嗤笑市中兒

其三

明月夜何長照我西城隅城隅切思婦長歎充幽居執  
箕方五日插羽徵軍書良人鑿空出錦臂帖飛魚西賊  
動盈萬我軍三百餘半死桐城下湖松盡邱墟惡寢乘  
因來陰風與之俱念此歎徬徨徬徨方踣躄昔日懷春  
鳥今焉失水魚傾耳聆斯言游心悲何如

擬古四首

驅馬北邱北壘壘皆古墳墳中白楊樹輓轡摧爲薪上

廣東文獻二集

卷之四

鄺中翰疇雅集

七

春暉堂選

有無字碣下有千年人奚辯子與孫寧知冬復春若蒿  
薦時俎涓滴不入唇寄言衛生客畏途君需遵首山鑄  
神鼎飛龍竟何陳孟嘗方貴倨試聽雍門琴

其二

去者不可追有生理當化委形非我真吹萬一何假伯  
夷不足欽何況景公馬不見玉井蓮結根深太攀顏色  
炤萬方朱華日堪把

其三

人生有何樂所樂在忘憂世短耳目長何不恣遨遊遨  
遊當少年披輕策肥鮮豎儒守一邱但爲鄉里賢不食  
風與雪誰能得神僊

其四

奄忽歲云莫鷓鴣互鳴悲庭霰閉交集王孫飽無時馳  
情懷玉珮佳人悵有違牢情媿長夜呱呱瘳允儀霧妃  
感精霸稅鸞停風螭寶瑟灑虹梁葳蕤開玉扉回目若  
有授薄怒前相持亮無鷓鴣翼安能摩天飛菖蘭思沆  
澧謔浪非所宜冰弦奏瓠竹淚落如縣絲

送區啓圖出補平山

時至萬物肅繇霜慘蕭辰陀城眺落日涇瀆越江濱虎  
豹守閭闔戒徒何駢駢帝學準過庭高步康天屯手中

治安策垂老方投人昔借當陽宰朱華植漢濱草木列  
兵衛羽騎逃逡巡襄雒天下樞兩藩蒙詬訕貔貅百萬  
盡宮闕摧爲薪如何彈九吏鼓行氣益震在疚阻奇捷  
釋禘當絕倫斲鼉鍊五石揮戈迴朱輪栖栖五斗粟鞅  
鞅百年身藏弓謝珪綬要之江南春

寄朱叔子 有序

朱叔子高蹈禺陽以鬻賦千黃金標疏峽中名勝癖  
過靈運自以憐才好色尙論古人余客長安聞而說  
之意還家必繇中宿可以把臂入林矣詩故屬之

二禺有放士相思不相識愚公徙太行精衛填碣石縱  
浪大化中讀書與好色彈劍歸虜徠傲岍論所癖所癖  
亮有規規子更努力

從駕獨秀山遊觀應令

丹霞舒麗旭薰風磨酥鑿西園愛嘉客平臺羅英賢荀  
卿方適楚鄙隗未售燕蘭阪追飛蓋栢梁亘崇山峨峨  
畿甸內秀色卓雄藩凌虛結睇聽耳目亦已捐雲去蒼  
梧埜山疑九點烟瀟湘濶明滅寶瑟曩嬾娟遊刃極八  
慶觀微盃重蜀五圖啟幽祕九籥排空筌歸醺忘憂館  
魚熊擘芳鮮灼灼垂珠女娥娥出玳筵絕纓過三爵舞  
雅凌七盤衣前高唐雨聲含巫峽援達使淮南桂櫓風



一夜鱗

數詩

一經非所慕，鈎索綜羣書。二紀迄無成，避地日南隅。三千禮滯，霍東帶賓鴻。儒四科蠟，高足游夏避。簪裾五嶽恣，幽討駕鴻凌。紫虛六瑄奏，雙成弱水騰。文魚七襄翔，禹步青使接。崑墟八公齊，擊節雞犬雲中驅。九仙同日至，餐玉弄璠璣。十州絕飛控，稅言班生廬。

六府

水晶櫺外月火齊，耳邊瑠金天鴻雁。引木末芙蓉常上風，信嘉美穀室誰能亡。

繇瀟湘謁衡嶽

朝汎瀟湘渚，夕弄瀟湘流。瀟湘多蘭茝，采采生離憂。蹠涔無尺鯉，杯水無方舟。不如舍之去，謁帝失陵邱。予夷䟽，祕東祝融臨上游。僊夫啟歿好，可以性相求。徐行陵白日，緩步跌飛猱。攀雲停翥鳳，擲劍戲潛虬。竒文七十七日觀，縣岫嶮夔魁。閃燒爍龍螭，盤琛球至哉。神禹功靈祇，欽懷柔。

汎彭蠡

禹瀦宕元氣，浮客哀吟清洞庭。發湓浦崩波，愁兼程若華夕。陰檢封楚歸雲，征穉霜脆榮木暮。景革韶齡三洲。

廣東文獻二集

卷之四

鄭中翰嶠雅

干

春暉堂選

聞鮑札九派驗桑經琴高翔赤鯉湘妃翳瑤英熒臺光  
燿朗氣閤幻洪溟魚鼈闕有化吾生歎何營

述征

有序

甲戌獻晉去親爲客塗登百粵水宿三湘得詩丁章  
貽諸知好用達所屈

燭燭芳月輝流允鑑我帷馥馥蘭卮酒遂爲生別揮驚  
禽思迅翩秣馬聽晨雞崇山接杉谷九究入金谿骨肉  
緣枝堀葶梗隨風縻生爲伯鸞婦沒爲杞梁妻

其二

妻吟一旦洞房友歎祖道旁薄言樹絲竹比物盛圭璋藹  
藹金張彥玉顏侔朝陽十年同錦被錦被覆鴛鴦一朝  
飛上漢化爲參與商食言怨諛草析薪悲遠揚三命非  
五龍多憂何能長縱得華陰術休輕離別場

其三

離別怨芳春芳春殊寢寐宵月皓珠宮丹霞乘夕起石  
室粲瓊甍崧臺藉蕙蒨不見同心人日莫甘委棄

其四

棄繻出國門遙望畧垣樹上連蒼梧雲下陰灘江渚華  
葉辯豐凶巢穴識風雨有似英雄人龍蛇爭割據周周  
嘯衝羽猩猩諳人語撫此瓊枝樹娑娑慰離旅

其五  
旅懷休戚戚鬱林饒奇石矯掌入寶圭洞見天地厄龍  
虎夾我蹲日月嚮人擲旣授元君符得展葛洪宅雲里  
召香魂緣蘿徃精魄飛仙與麗人恣意從所擇

其六  
擇木貴知音擇交貴知心海上三青鳥同棲珠樹林柔  
戶去我久誰聽鸞鳳吟鸞鳳吟有歇我心終斷絕

其七  
繡叟厭長鞭九折何俗縣天雞警晨羲鷓鴣悽夜弦金  
標冠雲日崇山摩蒼天夷人誇鼻飲伶女粲珠聯回流

思木馬冒險觸銅船

其八  
銅船亟奔流火山赫危礮愁駟颯止水顏色已非昨况  
度鬼門關十去九不還彳亍遙螿赤阪白象跨雄蠻華寔  
信衍沃黍稷陵邱山豈無丹鉛士可以樂游盤各競文  
蛇衣難爲章甫資去去勿復道北風歛岐路

其九  
岐路歎式微同心賦墳箴問君此何時鸚鳩鳴高枝鯨  
華歇芳歲日暮朱顏緇顏緇亦云已古處今然疑魚鼈  
不上漢松栢不處卑留侯托黃石范蠡遡鳴夷香華吾

不羨歲寒吾不欺苦李載道傍匏瓜甘後時莽莽楚日  
黃薄莫將安依

其十

依劉越山川山川翳叢棘胸吞雲瘴游目送瀟湘碧牢  
落多古傷羈孤渺今識舟行僕云瘖陸行馬變色蛩蛩  
距虛遊銜草不自食偶然得名酒先此勸僕役

秋胡行

有命在天聖賢何獨貧有命在天聖賢何獨貧絕粒疑  
食水曲肱匪兕匪虎况也莫與短布暴肝散屣印塵  
窮窮浙瀝凱風自南彼其之子簞服朱輪聖賢何獨貧

其二

至聖聰明生計何閒關至聖聰明生計何閒關衛卿可  
得執鞭何難提一貴人黃金鎰千妻嫂匍匐賓從偏反  
冠蓋如雲閎閎如山失時亟矣日月不遷生計何閒關  
兒母牽衣嘯

出東門勿念歸君若歸慘不悲知君亦難歸歸來室人  
交徧摧人言公子陶朱而我妻無孺人言傑士計然而  
我費無煙何不脫君見肘之孛端爲我冬杆複賣君及  
許之布意爲糴一簞粟君不宥八困手擷驪龍珠又不  
宥入廟嘯窮年一編逝欲何爲君言令聞廣譽妾言淡

日三炊君言簞疏瓢水樂不可支妾言朝不春暮苦饑  
君言滄浪天故妾念黃口小兒從君三日一舖糜佗家  
鐘鳴大纛重英日日揚揚過里閭負君但無龍虎姿君  
何不富貴歸白髮安有風雲時

戊子莫春饑饉薦降黎民阻兵作歌當泣

秋胡行九首

露葵傾朱暉應鱗待雲布女子怨有行委心畚嘉造甃  
玉候鳴鷄黽勉供晨莫白壁琢天球明堂思黼藻蔚此  
元豹姿澤彼南山霧

其二

子嵩與越鳥南北相背飛解蘭諷圭華鳴金步彤墀脂  
車戒昧且四牡允陸離醜餞塞衢衛谷風聲正悲按轡  
營四海無事悲女兒

其三

靡靡復遙遙飛輪激鳴颺十旬經九折三陟陵崇朝犇  
精撫危磴畢景跨長條驛長候人絕遠火出林泉誰云  
宦游樂宦游方鬱陶

其四

窮陰格稚節堅冰塞長河感遑戚不尠憂來歡詎多旭  
日不照顏吾生已蹉跎百族蟄有處游子宕無家天倫

痛此別苦嬰人僊羅

其五

埃臯痲勞止遵道省故里寒谷變陽林日余非望始提  
筐衛往陌粲粲都人子振素動鳴環冰華坳纖指何用  
援柔桑澤中有蘭蒨

其六

見時月初滿別時月初生弦望有變篋五載曠生平露  
溥興蔓草芍藥娛日成雙金出南國比惠贈堅貞美心  
做金石誰測鸞鳳情

其七

嘉吟亮有屬曷敢嬰懋祝綽約謝柔條免滋行露辱沉  
吟造房闈備物昭所觸破涕貫金夫包羞賚雲僕高覲  
禮旣終已矣從所欲

其八

鸞逝流哀音玉折厲貞響物極靈誠信至惠非外獎五  
日奉光蟻百年戒徂兩春帶候秋賒冬膏凝夕暎願赴  
曠日期比翼青雲上

其九

絃高無懦曲風急豈留英松栢植暗宿甘與秋草并綾  
錦冒溼汭難升障與屏含埃蝕貞鏡含蚋點瑤瓊白茅

廣東文獻二集 卷之四  
珍我悅聊濯耳與纓

甲乙之交余游京師元老無吐握之容草臣抱憂天之涕托興秋胡志潔也後十年京師乃陷

鞠歌行

龍升天兮先爲魚二氣應兮風雲俱辟如關津兮擁節  
繡又如聖作開圖書我之懷矣歲聿除鄭聲亂雅紫奪  
朱尹訓殷皋謨虞丁弼賚文師獻敵雄劒曳長裙永言  
知己感良圖

順東西門行

出西門眺平原義龍敲日無迴轅拉羨門揖握佗揮斥  
八極凌風搏歌五子鼓雲門流唐漂虞垂嘉言思公子  
哀王孫叩閣謁帝招銜冤淑桂酒緝蘭蓀惜白駒樂鵠  
鸞

君子有所思行

扁舟溯大江遙望樅陽城樅陽無民居比屋接華纓層  
臺高中天頽眠日與星穿池通月竈築石槩蓬瀛孌婉  
蛾眉女提攜弄秦箏宵珠綴流光丹唇含至精雞人唱  
春曙雀蓋鶯雲輶金膏將翠羽脂韋流丹誠雌黃出唇  
吻歇嗟植枯莖東觀擅金穴西第接銅陵蒼頭橫眦睚  
鑿齒信猙獰要離焚妻子專諸托弟兄殺人工使酒長

安動知名神理忌盈滿鬼瞰宜高明旤斗嘯蕭牆畢方  
陰戶庭積薪尙酣寢欹器難久盈淚絲貫樂石蟻穴漏  
嵩陵誰謂帝京遠湯湯漢道明寄言軒冕客天爵爾勿  
輕

甲戌七月客桐城見世室之兼并悲游民之扇亂八  
月民變火城九月寇燬中都遂不覺其言之中也

苦寒行

追奔潛山麓危哉苦嶽巖鳥道屈羊腸貂車毋負麗北  
風裂屨縫衝飈割予肌熊穴出神人纔捨綬雕旗僵屍  
飽鴟鴞蒸氓痛屠夷撫劍劇歎歎踣旅子無遺束髮懷

耿介鏡歌思南皮開譏嚴水陸窮陰涕漣漣迷陽復迷  
陽行行安所之馬毛朒如竄僕御瘖且饑緩勒憇林皋  
冰凍無完枝寸草不可得白骨持自炊哀哀遠征人悠  
悠傷路岐

甲戌冬流寇陷濤宿余肯擊敵幕中剽說騁詞發曲  
突之謀不能脫處囊之穎爰賦斯作

短歌行

稱樂安康有琴在堂今我不御白日其行行道遲遲載  
渴載饑抽琴命操眷彼路岐峩峩九華有粲其藹願言  
思子中心弗遐槐棘陰陰蘭蕙同心道之云遠懷子好



音嗷嗷雲雁鳴聲及旦君子有酒以速親串梓兮桑兮  
無枝可棲有魚賴尾困彼沙渚高山有桐比於林中鵝  
鷄稅羽君子攸同河則有圖洛則有書冀貞之吉千  
不渝

箋曰九子之山微池雄鎮削若茗之華青蓮更名九  
華投詩贈崔龜浦以識交燕甲戌冬子游九華里賢  
李長度爲池郡司理文心妙賞有類昔人余載筆過  
之

### 猛虎行

飲不盡三湘水游不盡百蠻天百蠻厭珍麗詰士丁屯  
遭搏風赴大翼控景入幽燕寧分猛虎食無驚黃雀弦  
傾金築臺觀厥價徒空縣雁風驅砂礫狼烟對疆邊未  
貴洛陽帑誰分雲夢田燕然未磨勒周南滯歸旋踣懷  
何鬱悒開匣視龍泉淒淒沉光采提攜莫棄捐

箋曰予避地湘灘觀光燕趙踣孤百粵資章甫而厭  
文身躑躅金臺握靈蛇而傷馬骨詩囊但餘破錦詞  
缺敲對蔽篋落羽驚弦勞人感物托猛虎以散懷

### 陌上桑三首

并序

序曰邯鄲秦氏女子自名羅敷女於邑人千乘王仁  
仁爲趙王家令羅敷出桑趙王登臺見而說之羅敷

迺彈箏作陌上桑托使君以自明不敢斥言也其秉禮守義如此余觀感風雲矢金石二三其惠者衆矣

故托此以風

乙亥登月作

旭日嵌瓏牕泛瀾煜綺疏流輝繞玉鏡斂粲曳華裾苞蘭甲韶歲昭質中破瓜清揚睇遠山朝雲爛細襦開軒對南陌光耀傾城隅城隅共翹首杲日出秦樓提筐跋遙隰傾城逐嬉娛皓腕掇遠揚秀澤揜銀鈎雙環映女棧女棧矢脩姱蛾眉列翠卷翠卷避蠡華脫絲登條椅葱倩煜凝脂上攀搖淑景下盼生流霞如何陌上人見此不踟躕

其二

行者見羅敷且復立斯頤居者見羅敷偃倭作卷婁坐者見之立立者見之趨使君見羅敷起式充澹榆憑熊儻衢逞當路柅彤車高情越小閑遣吏致區區彼美粲淑姬可與晤言不

其三

羅敷眺清臚不敢前致辭羅敷善鳴箏絃語調音疏使君貴識曲傾耳聽名謳初爲濮上彈上宮儼相於次作陽春調韶景逼通都都人士與女唧唧秦家姝佳人美無度夫壻快且殊何用識夫壻叢臺接天衢白晳耀朱

廣東文獻二集 卷之四  
春時堂  
麥綠躋專城居柱後惠文冠腰間古鹿廬冠引通都士  
劍直千金餘行擁青絲騎歸燕明月廬改柱入清商水  
華浸太虛謾謾藐姑唱漻漻滌煩紆曲闕音詎虧使君  
意氣消

臚揚子雲賦玉女無所眺其清臚註云臚瞳子也

當事君行

不啞吞炭漆爲癘殿屎入梁匍匐入廁更音易貌心苦  
悲良友斷腸妻不與知百年意氣生命促不斬君衣何  
能瞑目主讐未報白日連亮爲國士安得完膚身無完  
膚仇未報斬衣流血徒草草礮仇之魄以愧二心臣命  
不如臣心已窮

寒食吟

去年寒食日南天今年寒食石城邊一年相去九千里  
明年况復在燕然只留四百峯頭月夜夜猿啼蕙帳前

趙夫人歌 並序

夫人神明之祚食氏廣陵散說詩雅明古今治亂之  
數歌舞猷步一時非天朝將相莫幣塞脩時督院李  
公鎮撫三吳感夷吾白水之舜雜珮以要之素琴以  
友之不啻青鳥翡翠之婉變矣母幾何兩都淪陷公  
服受事繫粵宅交潛運忠謨效狄梁公反周爲唐故

廣東文獻二集 卷之四  
事幾會輻輳乃遣使迎夫人夫人至脫珈捐珮揚衡  
古烈勸公迎駕邕宜爲諸侯帥言 長江過彭蠡謳  
吟思漢不謀同聲天下脫有微風義旗將集君所矣  
公籌畫已定不肖少泄翌日設醴壽公跪申前請公  
愬壁間有人叱曰軍國大事出於司馬牝雞之晨將  
就磔矣夫人謝罪歸院卒以尸諫血書藏於衾服浹  
旬之間西逝乘輿復我漢官如運諸掌香山何夫子  
傳記其事命露作歌蓋王化始於閨門埃采風者擇  
焉

歌曰

瓊花一枝天下無新粧絕勝秦羅敷掌中學得平陽舞  
趙璧堪償十五都自矜嬌艷無雙質嫁與將軍北射狐  
羽騎馮陵風雨急金陵鍊鎖何嗟及都尉慙恩夜欲降  
桃根感義春相泣感義慙恩春復穉漢家宮闕水東流  
高臺愛妾魂將斷南雁方過翡翠樓翡翠樓前月如練  
二十四橋花似霰鼓吹雲旗錦浪堆牽牛織女重相見  
相見相歡無幾何蓬萊清淺近無波太山東傾作平地  
日南銅柱高巍巍將軍高閣臨江起湘櫺一派珠江水  
羌篴悲笳沸綺城美人一見心先死婉轉蛾眉毳幙邊  
霜摧楊柳風打蓮李陵胡服不服漢申胥淚出玉嬋娟

脫衣解珮重烏邑哀鸞半映菱花立就桀阿衡負鼎干  
興周吉甫山龍緝自古英雄畏失時將興將廢女紅知  
奉春旣衍留侯策陶侃休迴溫嶠旗將軍沉吟目如電  
手捉長戈口輪變詎肯陰謀及婦人任佗死後開生面  
閨中春暖草初薰白水歌通管細君鵲鵲飛上凌烟閣  
雙兔雌雄世莫分

永歷二年三月十五日東粵始復冠裳廿有五  
日過謁何夫子見其述忠媛趙夫人事甚悉率爾湯賦

花田飲陶十一白郎

夜涼明月高疎槐招搖西傾大火積滔風憤恨旻天開  
絲星璀璨天崔嵬蟋蟀悲吟烈前階高天愈高思裴徊  
引觴慘礫不能裁燕昭高築黃金臺孫陽曝曝犇駑駘  
魚目當御月不才懸鶉含菽仇離哉曲學阿世吾不回  
中飲欲罷傷心懷非酒與君孰堪諧江干鷗下無嫌猜  
花田僊釀足罇壘專飲致醉能嬰孩連蜷桂樹南山隈  
四皓之出入公哀淹留招爾行歸徠  
是年燕都已陷吾粵游舸不減昔時南都初建志士  
多絕裾之游而尸素鉅公燕巢飛幕之上黃才伯云  
越女不知搖落早涉江猶唱采芙蓉信然

剡玉詞贈王山人

寶安山人王仲亨離奇坎硤猷多能文心賦手老莫展  
乃與惟石爭峻嶒我聞祖龍得孫枝卞蘇拱壁盤雙螭  
迴鸞古文出李斯璽郎三絕稱最奇漢東諸侯楚南將  
銅符玉節森相向欵文滅沒形模奇一出一入參予匠  
爾來唐宋不足珍明興符篆乖古人仲亨掘起三百載  
半生抱璞仍工貧有時得錢但沽酒蛟螭盤挈入織手  
昆刀切玉如切泥颯颯魚鳧會飛走五羊少年金錯刀  
先秦小璽爭臨摹開軒嚮余質奇字雅鄭於汝分纖毫  
張酥之周竹郎沉雄爾雅爲君倡嗟君高才兩相下選  
選能兼衆所長長楊天子幸同文剗何人得似君雕  
龍必重譚天衍載酒先過楊子雲

洞簫行

貴不願夔龍侍輦譟九韶富不願金谷秦箏按六么但  
願中繩無雲月當午王郎酒酣爲余吹洞簫洞簫翁今天  
氣清北斗插地天河傾洞簫認忍天氣蕭秦娥咽月湘  
妃哭大箏蕭蕭風入松崩雲裂石吟水龍小言札札機  
弄杼一聲兩聲落花雨欲轉不轉態自生上林學語調  
春鶯天聲竹聲妙無閒紫塞街蘆迭秋雁秋雁春鶯喉  
喉噓盡隨明月靄金閨鴛鴦機上流黃妾絡緯燈邊織  
錦妻別有關山限城闕風斂不到音塵絕紈扇朝辭漢

輦恩琵琶夜控胡天月月中霜杵響泠泠孤猿嘯月不  
可聽開處乍疑花躑躅放時還作雨淋鈴淋鈴躑躅或  
幽咽幽咽不通聲暫歇定有肝腸未許人指中飛出蓮  
花舌自言結客少年塲芙蓉出水未有霜十年學調白  
翎雀四海難逢金鳳凰今夕何夕是三五夜如何其夜  
未央請君襄徧三五弄請君爲作洞簫行我初好音惟  
好此羌篴胡笳空聒耳不惜黃金鑄子期不遇平原不  
買絲秦時弄玉去不返嗟君此曲出已晚不羨君家王  
子淵青宮作賦萬人傳不羨君家王子晉玉笙一闕花  
千仞羨君顏色簾花紅嘖吸噫氣通糸風會須控鶴歸  
緱嶺不數吹簫入漢宮

扈蹕臨歸自中書堂呈蘇相國一百韻

象載翊交泰龍文飛應乾榮光河九潤佳暈日初璇有  
煥深衢室無爲御講筵升聞銅馬帝寅亮玉堂賢揆日  
乘黃屋蟻天構採椽虞風開鼻愠湯澤布炎燁黑水通  
南海黃麾掃北真王章驅左服天樂降柔舡受錄逢糸  
女披圖待偃佺烏流王屋瑞鳥下講堂鱣壓紐星虹繞  
垂裳禮樂虔三苗銜戚羽七萃引樓船推轂青萍吼揮  
戈赤日煦甌珠栖月蟀蟠玉拂郊螽神籙生山嶽瑤光  
注海壤穗城天鶴降丹徼夏鵬騫瑞相侔岳石禎符灑  
大川授天曾次澗定命指紋連鼎足垂金鑑台階應寶



躔蟬書鐫史籀駁骨禮方欽蘭省繙經富蓬壺象帝先  
金魚銜不借玉鸞夢初圓窗瑣宮雲映屏籜島霧闐銅  
僊披鶴禁桂女釋麋純紅藥馘瑤砌搏桑眠錦輶詞頭  
勤斧藻國手讓蹄筌綠字庖犧澣青藜太壹燉代工宸  
翰麗啟沃祕書詮晚入班升棘宵歸燭賜蓮聲華揚北  
斗師農藉南詮赤道量衡設兮英水鑑研璉瑚宗二代  
桃李化三千雲漢章逾倬微垣望益堅兮珠探罔象蠹  
東悟輪扁王氣藏珠斗華風變女媧金甌窺觚冕瓊簪  
叶筵尊熊像圖椒寢鸞緘出桂榕三山齊捧日五嶺歛  
榮天納麓風雷壯承明日月優真儒才命世貴相業無  
前負展題書謹臨軒絕席專苑薦卿月迴溫樹相風妍  
馴雉巢鯢吻鳴騶副鶴軒對駁資廟算奉引亞公鈿少  
海陪先路勾陳衛曲旃起居新蹇蹇書記舊翩翩六典  
遵周約三章陋漢駢明良琴瑟御謨烈鼎彝聯敬勝丹  
書册躋知七月篇璽書欣拜手袞服盡隨肩關路通寒  
素摠誠格上兮元龜自昆命雕虎敢分權玉帛齊天會  
金華散帝編九疇陳雨霽五石鍊雲烟作柱狂瀾砥回  
枯湛露偏歲裁金幣藏月損水衡錢玉券三靈壽嘯圭  
九錫遘衣冠瞻萬國牙爪復三邊白羽麾神策陰符覓  
罕珩隼邊降肅慎雕外沒先零僊仗鴛鸞集嵩嘒鳳鳥

傳江山恢禹蹟天地人堯年搏石夔居舜稷羹說在殷  
慶雲困鬣鬣氣暖裕縣酌酌天漿滿招搖斗柄旋平  
臺題玉貌石室教瑤僊槐柳依行馬簪裾繞附蟬椒奇  
伴鳳節侍史熱龍涎虹玉腰爲帶塗金手作牋閣薨交  
彩殿溝水切朱絃禮數人間絕榮名天保全霞尊致醴  
醪雲堵奏韶淵河馬呈籤軸山龍備紉緹珮琚雙珩白  
朝服四門蠡顛俊尊三能神姦鑄九埏旂常銘瀉駕金  
石振宮縣吐握逢公且飄零許仲宣賞音山水遇感義  
髮膚捐花授江郎筆庭分謝眺氈皇墳耽藻繪騷賦竊  
丹鉛擊筑游燕趙歛簫過市屢自甘鷓鼓臥誰戀鳳池  
牽帝室慙雕篆天書愧錦鞵修娥會市娉弱羽怯空弦  
鳴雁愁供客揅豚笑祝田畏途心屢折泣路眼頻穿壁  
別終投楚金兼未築燕家徒四壁立國步九邱遘木石  
疲精衛枋榆嚇腐鴛失時悲市駿飲恨化啼鵲蹈海秦  
軍却憂天杞客俊茱萸嘲穀食喬木滯鶯遷土偶行何  
適匏瓜繫馭憐曳裾趨建禮珥筆奉甘泉金鉉方持鼎  
璣衡念在璿彈冠謝容飾躍冶負陶甄蘭露朝承飲荷  
風勉自搢有臺欣樂只控地絕攀緣西掖芳時晏東皇  
歲序愆絲綸雖五色何自畚埃涓

洞庭酒樓

落日洞庭霞霞邊賣酒家  
鮑虹橋外市秋水月中梳  
江白魚吹浪灘黃雁踏沙  
相將楚獻父招手入蘆花

登九子

朝參九華雪莫宿九華鐘  
言尋金舍利行傍玉夫容  
雨脚移春殿雲衣掛亂峰  
悠然秋浦月來對海門松

人日登粵王臺

登臺試人日此日謂宜人  
日照高臺色臺非故苑春  
青山白雲路綠水流花津  
醉欲呼鸞去遙遙芳杜鄰

九詠寄從兄湛之塞垣

有序

兄卓犖矜奇與予讀書羅浮有扶風越石之志以驃  
騎從袁督師死於邊

邊風

地角寒初斂天高雲乍飛大旗危欲折孤將定何依送  
雁侵胡月驚霜點鐵衣可能吹妾夢一為達金微

邊月

秦時一片月萬古照邊州白勦狼烟塞寒生驛火樓關  
山和淚到圓缺及鄉愁盈手梅花色難將寄隴頭

邊塵

紫塞三關隔黃塵八面通胡笳歛復起漢月照還空迢  
遞仍隨馬蕭條暗逐風將軍休拂拭留點戰袍紅

邊角

片角吹殘夜雄關鐵鎖開古城連堞響奔馬踏霜回玉  
塞降羌淚天山旅雁哀何人聞此曲不上望鄉臺

邊笛

吹笛上高城城秋月正明胡兒雙淚下漢塞一龍鳴沙  
柳愁中折梅花夢裡驚裴徊三五弄腸斷憶南征

邊雁

候雁發金河紛紛帶雪過陣連關月小聲斷塞風多高  
舉愁梁稻低飛怯網羅羽毛非敢惜書札奈君何

廣東文獻二集 卷之四 三  
春暉堂選  
邊馬

天馬應壘辰金羈虎豹茵  
驕盤春草短叱撥桃花新窟  
凍長城雪蹄穿大漠塵  
百戰交河道功成還與人

邊柳

嘆息陽關柳青青能幾時  
春光不可度綠鬢已成絲  
歲歲攀折依依縮別離  
故園有奇樹日夜憶連枝

邊草

王孫去不返馬足共車輪  
萬里連天色終年出塞人  
幾經金海雪不見玉關春  
馭夜寒塘夢相思愁白蘋

移天日松

天目鬱嵯峨移來雪滿柯  
冰霜隱鱗甲風雨思如何  
冉冉歲云莫亭亭芳意多  
遙憐著書日投分人煙蘿

梅花

美人遲暮意纖手撫寒條  
素魄一爲濯香魂自可招  
倩誰邀玉筵何以托瓊瑤  
莫嘆江南橘庾關路更遙

青荇

積空已成色曠古意彌深  
無復廟廊趣澹然山水心  
雨花冥藥竈涯漏滴風葉  
自足散微尚夷猶芳澗陰

萍

與譚友夏同賦

飄飄楚江客來詠楚江蘋  
發藻滄浪水遲暉江漢濱  
五

湖隨宕子七澤寄浮身嘉寔如堪薦長謠問魯人

賣書

天書出尙方宋錦內家裝賜日多珍惜售時不厭忙石  
床虛爾畔藥價待君償戲海干戈息還期入帝鄉

乞食

儒門今澹薄乞食展宗風余願何曾及他心亦已通入  
林如舊約握手醉新豐芳草茫茫外王孫路不窮

次兒爲馬兵纒去客有鑑其胥靡解驂贖之詩以

訓焉

齷齪柔童子貪看人捉人詎諳黃鳥語那識白華身覺  
後方知痛夏來不見親隆寒需閉戶恬坐閱芳春

贈內子鄧碩人糠齋

拙荆三十長齋國變見予荷芻負米絕粒取糠粃入  
壘白成丸以清泉服之裕如也予戒其無自苦彼云  
海上有糠齋之士堂上有糟糠之妻典誠弗申夏鼎  
所以鑄饗餐也余不能難寵之以詞云爾

行門何太苦絕粒對糠齋未老知身累忘機與化諧閒  
雲送孤影朗月奏長懷彤管銘高逸梁鸞未足偕

甲辰二月初六甘露降

有序

余生日甘露降於庭槐不餒母乳慈師至命提眎摩

頂日天上玉麒麟豈與人問乳氣哉以露水調米汁  
餒之五歲師與皇考命作此詩應聲而就

月浸仙人掌雲竒帝女臺清冷花院閉的皦天宇開降  
鶴通宵警游鴻達曙哀集靈三使至應問長卿杯

摩天嶺望安南

峻嶺極金鄰遙遙望九真鳳銜金汁遍魚戲艾花春火  
粒收畚客冰綃出海人八蠶無惡歲何謝為天民

五松天門訪冷雲巢居

松蘿裊天石磊砢留高真白髮對流水青山懷古人送  
雲歸碧落酌酒浮青春寂寞巢居下品花落去津

留都贈梁非馨

逐客同征雁翩翩出塞垣誇胡曾斷臂哭漢不歸魂別  
久見如夢相看無一言龍精千尺雪持照昔人恩

非馨為袁督師重客督師以孤忠見瀆天下寃之後  
十二年予與非馨同朝非馨在主政余在史館疏白  
其寃復爵賜葬非馨真信友矣

寄內

歲時頻夢爾非門女兒情霜露君蒿色江天鳧雁聲浮  
雲吳會客落日楚江萍為報秦嘉字胡塵滿漢京

寄鴻兒

廣東文獻二集 卷之四 鄭中翰嶠雅集 三

大兒生八歲見鯉學緘詞詎識冥鴻性彌深舐犢悲但  
能長傍母不必更尋師莫似而翁傲飄飄雲水期

寄閒兒

二雛別時小婀娜雙髻鬢余欲荷鋤去未能深入山桃  
花諸母祝琪樹倩人板願化成龍杖來翰雉子斑

別楚艷秦媽

露斜山峭峭鐘斷水悠悠草綠斑駁怨花飛紅粉愁如  
何雲夢月不共漢江流又送王孫去淮南桂樹秋

贈雲愁愁

有序

雲愁愁昭質隸於伶東常土木形骸而國色奮於愁

黛豈姬能諳愁愁得畢其術以媚姬

佳人美且仁獨立若爲鄰水滸見斜領愁多宜暮春惱  
公從小慣西子自來顰莫學盧家婦新粧閱世人

其二

楚雲朝暮見一半在陽臺雨絕無留夢春愁暗不開烏  
孫辭鳳輦青塚望龍堆形影深相弔肝腸日幾回

秋思

秋思不可觸觸處定傷離是日翰楊柳青青異昔時羊  
腸先雁路馬首後鴉期行路難如此踦人方自知

佇立



皓齒復明眉粧成爲阿誰所思不可見佇立已多時  
粉塗香砌虫羅罥柳絲提筐向南陌靈雨悵佳期

蘇堤

春堤春服成初葉轉初鶯不斷垂楊色嫣然聞嘯聲芳  
菲迷處所遠近未分明羈思憐芳草遙遙限綺城

桂林宗侯燕集

桂魄陶芳夜琴心感丽人玉龍無賸技金雁有餘春  
聖飛裊練花卿過襪塵如何此時節送客獨留髡

曲中見雪

祈年看瑞雪况在莫愁家彼美臨芳樹先春見落花  
情符皦日盈手思瑤華欲偶幽蘭曲同心悵有遐

池陽六門三土嚴逐妓予出祖之

碧雲空濺淚可以贈生離自古非今日朱顏不選時  
淮隈桃葉溪月擁文姬得領陽關奏殊慚輕薄兒

西湖上春

行逢新歲月驕馬踏城橋旭日催蘅帶春人艷柳條香  
車流水擊仙袂逐風飄小鳳啣花去空傷雲漢遙

江南春

雜英飛少女榴火燦東君烏弄枝成曲魚動水園文謝  
客雲封屐羅敷日照裙春風正難忍楊柳故紛紛

文選樓眺望

春風將柳色駘蕩八西樓遊子褰幃望婉如變女愁雜  
花開陌樹歸雁隔河洲京國浮雲外長江日夜流

出京

勞生悲短晷曷敢慕輕肥白日髣邊落青山夢裡歸同  
心乖贈問岐路惜芳菲回首梅花國歛簫明月知

道明水望三十六峯

崇山道明水噉噉石潭清上有木龍樹歲生聞鳳聲閑  
琴待明月月向清溪生三十六峯裡羣仙抗手迎

淮上

離魂飛故國多難後時榮老向雙瞳入春歸百感生愛  
山頻住馬酌酒復聽鶯堪笑無媒橘遙遙淮上情

秋浦鍊藥

十州研八石徒藥就空林時稼日將酷古槐春正陰披  
衣詠黃老酌酒懷青琴不盡霸仙術何方可慰心

巴陵琴酌送羽人游青城

彈琴勸君酒君去少知音此曲豈不古撥絃人盡今夜  
移衡漢淺月落洞庭深少別成千歲依然此夕心

震澤送劍客入廣陽

湖草綠陰陰桃花水更深高樓愴然嘆濁酒一何任念

此青春別其如白日沉背人贈七首珍重結交心

蔣陵送孫枝游華嶽時予將南還

相逢彭蠡月相失蔣陵鐘  
白別東林社君言西躡雍金  
門開泰華玉井見芙蓉  
余亦汎滄海南山歸祝融

雪中譜琴汪公子拉顧眉生同聽

白門桃李月綠綺鳳凰絃  
古調持秋竹同雲稠暮天  
豈期公子過得竝洛川  
妍良夜爲君故移情私自憐

姑蘇送雲將入洛

崇林秀春木歸馬激鮮飈  
濁酒不肯飲旅懷何處消  
莫天吳苑樹明月浴城橋  
蕪絕尋君夢緜山碧玉簫

隋堤送漆雕龍

草長送人遠離居傷別情  
細雨桃花岸春風黃鳥聲  
君去有誰識我勞何所成  
行雲與流水日夜但孤征

山中送人歸途已長觸物有嘆

勞勞爲客倦日日送入歸  
芳草雨中碧楊花愁處飛  
農夫戒春及老少咸相依  
誰能去鄉井終負越山薇

皖口值區啓圖出宰當陽

微官君自去楚水日遙遙  
紫蓋新花縣當陽舊板橋  
荆吳中酒別南北斷蓬飄  
郢曲高難和非君莫見招

皖城謁石巢先生

披衣皖城口言就皖城均避世歸愚谷移山到石巢鶴  
林松露滴斂浦荻花交廡下聞清嘯長謠賦樂郊

文選樓畬石巢先生人日見寄

汶雁歸南國傳書下皖城老散彭澤節少許仲宣名栢  
葉連芳氣梅花問落英空居選樓上獨夜晤昭明

杏花堰訪紫苔隱君

楓林二月雪雪霽問君家玉笈芝房氣銅陵杏堰花更  
清鼉出瀑笙迥鶴梯霞不注丹臺錄吾生信有涯

贈安南艾山上士

憐君隱居處石室挾風霆劍化轆轤氣山留龍虎形八

榔王母降三籟子綦聽別後深相憶秋壇永夜星

逢郢客問滇陽土風

關門逢郢客立馬問滇陽水碓春魚骨山癭養蜜房柑  
黃秋買蟻莎白夜歸羊是事皆殊勝爲君說瘴鄉

建業送袁羽人歸羅浮

白下蟬聲急朱明客獨歸都人歌有爵游子賦無衣長  
袖爲君舞高年見面稀自傷行漸北爲愛雁南飛

清明

在家常服食無怒已經年五嶽尋師遍孤琴笑影眠南  
雲迷黑齒北首極幽燕未化遼東鶴何當省墓田

踏青詞

文虹經綺陌夕日貫陽林灼灼懷春女翩翩詠子衿人  
歸芳艸暮鶯語落花深往日成都客蛛絲縈綠琴

余居西湖香隱柳茵蟬枝諸校書邀余脩復琴社余  
既倦游頗軫歸情清商靡靡固所未聞也

寄侍兒青琴

侍兒嬌滴滴玉筋蘊蘭衿去日戀携手自言能鼓琴七  
盤漢宮舞長側楚妃吟奚難召鸞鶴貴在得卿心

青琴畲

君子有所適出門嘶玉驄園花悲隋槿塞雪問飄蓬拭  
淚看靈鵲含情認守宮金錢買雞卜知爾客遼東

人日寄雲絲蘿

官柳弄新黃宮梅競晚粧未忘闕宋玉詎肯嫁王昌雲  
輒通鳩鵲金衣織鳳凰自慚承弁髻不覺有微霜

負芻

丁亥作

負芻長已矣芻盡爨還空八口間閭下孤臣市井中離  
情觀道喪無淚哭途窮顧影時時笑勞君西復東

洞庭

人歸洞庭水心遠百蠻天虹飲吳山雨蟬嘶楚岫煙挂  
颿明月樹沾酒白雲船來雁紛南向衡陽何處邊

瀟湘聞鼓瑟竹上淚痕青歸雁將何北先花入窅冥白  
雲開一面南嶽露真形不斷游仙夢依稀帝子靈

巫山之陽香溪之陰明妃神女厥蹟存焉

丹青辭上苑雲雨下陽臺驕虜沒何處襄王安在哉溪  
青香見石枕冷夢無媒楚漢風流地長歌問草萊

君山懷二妃

眇眇愁予地夫容北渚期媵魚分楚珮薦竹禮湘離寶  
瑟嫋娟淚雲旗窈窕思客從虞廟至會遣二靈知

虞山謁舜祠

荒服垂衣日三苗格命年烏耘千畝藉龍御九疑烟蒲  
坂征雲外蒼梧落照邊何人撫瑤瑟離恨隔湘川

池陽謁梁昭明太子遺廟

文心瞻睿作遺像肅宗工雪日明春甸藤花落古宮地  
珠衡玉尺雞戟冠雲虹壁禮宗賢會長江直向東

其二

十年工選體二月謁昭明鄴下驪珠貴緱田鶴蓋輕謳  
歌歸琬艷俎豆肅蘭蘅何代應劉輩而非騶旅情

赤嬰母

冶服微言宮裡希金權薊篆隱朱屏摛文絕代還憎命

弱羽三年不假飛隴首秋雲淹遠夢芳洲春草弔斜暉  
誰裁半幅江郎錦會嚮華清換雪衣

其二

曾從文皇羽獵雄凌歊袁謝擅江東花邊解語馳清禁  
檐外鈎香紉綺叢樂府最聞歌赤鳳衣衣何必尙華蟲  
彩豪自映輶軒筆盡載方言入漢宮

其三

紫陽丹水玉真如鳳節鸞驂碧落飛花夢仙裾飄綠羽  
杏檐宮語教烏衣西川悟法藏珠塔南內傳經擁絳緋  
聞說赤符今始見上林朱雁爾同歸

其四

街將貝葉課宮娃廣裏親檠繫臂沙鄉夢已非瓊島樹  
羽衣猷阻赤城霞蠶叢雪暗金桃實鳥道煙橫紫桂花  
幾嚮五雲思矯翼夕陽深處問歸鴉

其五

落羽能言滯鎬京每逢賓雁不勝情海棠弄粉辭香國  
薛荔攀霞戀錦城舞愛玉環低絳袞歌憐樊素嚙朱櫻  
珊瑚反挂空宮月愁寂連昌自喚名

其六

鶴禁銅螽晝不高沉香烟底掣金鈴霞冠忽散葳蕤鎖

廣東文獻二集 卷之四  
蓮舌輕彈般若經五色卿雲衣上覆九重僊露酒初醒  
年來花夢殊蕭索不見張華入內庭

其七

紫禁霓衣按六么溫泉霜葉景同飄暎鸞冰鏡朱華落  
送雁宮雲赤羽遙衽服司花皆火澣含香眎草漫金貂  
何因得冠虹蜺去浪說文風在絳霄

其八

花萼樓前酒半醺江南瑤樹隴西雲九苞一偕丹山羽  
三使重放紫誥文桃葉喚愁鶯曉葑房同夢蜨氤氳  
上林供御多紅豆費盡相思不見君

其九

不整花冠類羽僊飲霞如在赤明天飛瓊苑乘朱霧  
小玉璇宮化紫室錦浪艷傳遷客賦翠華休問上皇年  
文虹驚落吳江水繡嶺愁驚蜀國弦

其十

學語俄驚上苑瓠紫歟衣遶畫梁塵千秋羈旅哀詞客  
一代文章巧弄人裝就芙蓉終是怨啄餘香稻未全貧  
金繩咫尺通靈鷲歸嚮迎陵問色身歸別作販

其十一

妙舞曾居絳樹苒刺桐花外赤欄邊還丹木客顏同駐



度曲金衣韻較偏振羽乍迴天后夢引泉時滅祝融煙  
文心慧業今何用為報閨人舌尚存

其二

瑤姬天鏡若為情心性隨提御史旌金鎖不教留艷骨  
琵琶何事更嗚名桃花扇底私紅拂絳縷封邊失玉京  
薊國不如歸去好斷腸春在錦官城

浮湘禮三閭墓田尋賈生故宅

浮湘孤月下靈渠牢落殘魂伴索居庚子日斜聞野鳥  
端陽沙渚見江魚天高未敢重相問年少何勞更上書  
此去樊城望京國定從王粲賦歸歎

長安夢

有序

乙丙之交中都焚燬神京危於累卵天子下詔求賢  
余方胝趼長安羈同范蔡援鮮金張撫化感時爰造  
斯作

武帝橫汾繼大風鳳銜丹詔出關中神羊高固能升鐸  
金馬楊莊解薦雄苜蓿未移沙苑雪葡萄終引馭娑宮  
十年留滯周南客夢入長楊看射熊

浮海

時南都已失

玉樹訶殘去森然齊州九點入荒煙孤檣與客曾通漢  
長劍懷人更倚天曉日夜生圓嶠石古魂春冷蜀山鶻

茫茫東海皆魚鼈何處堪容魯仲連

黃鶴樓

漢陽芳樹古今情逐客南浮雁北征天盡水連巴子國  
月明人在武昌城白雲依舊過全楚黃鶴何年控太清  
日暮數峯青似染九疑無恙隔湘英

君山七夕

銀浦無聲碧落遙洞庭秋色倩誰消湘娥鼓瑟聽龍駕  
靈匹停梭媵鵲橋秦樹影斜天接水楚雲飛盡暮還潮  
何時擬約騎黃鶴倚醉高樓弄玉簫

燕臺送王李二舍人出貶衡巫

燕臺送客柳紛紛御苑鶯聲過漏聞花重錦官啼望帝  
月明瑤瑟 君巴童歌落荆門雪楚客飄低劍閣雲  
聖主受釐思遠謫又隨阿扈鳳凰羣

九日登鳳皇臺

灰官上下登臨地銅渾周遭氣序哀古寺斜陽人獨到  
高臺何日鳳飛來九淮疏鑿通王氣六代興亡問劫灰  
故老只今西眷淚明堂誰折漢京才

丁亥之秋奸雄蠡起滔天之勢已成晉鄭之依靡托  
乘輿南幸據半壁以待中原戰則瀘孝陵之謨烈守  
則嚴晉宋之封圉用托故老以風云

金庭飛雪惜殘梅吳越翰山憺忘回  
茂苑寒鴉謹古堞  
姑蘇遊鹿上高臺神歸日母胥濤降  
客探龍門禹穴開  
一笑雄圖付流水抱琴東漸卽蓬萊

吳越吟

嚴關逢靖江左史立馬有贈

鶯啼關樹幾重春馬首看山贈故人  
周室桐封姬姓早  
漢家藩傅董生醇嶺梅度臆迎官騎  
苑雪分題待使臣  
君嚮叢臺思賦客茫茫江海有迷津

獨秀山侍讌應教

瑤水星妃集鳳墀  
兎園曾爲促芳詞  
芙蓉露冷淹吳質

雲夢天寒從景差  
蘭版夜飛明月蓋  
桂叢秋賦小山枝  
霓裳若倚當年袖  
誰按清平調獨遲

蒼梧訪太真綠珠遺跡

清谿曲曲裒僊源  
錦石虛疑翠黛存  
雲里玉環妃子井  
綠蘿金谷懊儂邨  
霓裳歛歛華清舞  
玉筵難招博白魂  
最是劍門秋雨後  
落花如見墮樓恩

莫邪關楚望

九疑如黛楚天分  
水綠三湘雁倒聞  
春曉玉臺開岳雪  
月明銀殿鬱卿雲  
翠華想像湘君竹  
龍御遙遙帝子墳  
何處匏笙將鳳曲  
至今猶似咏南薰

銀殿山千峯造天上出雲氣狀若宮室下多巢民卉  
衣木食吹匏笙自言帝虞之裔

莫愁湖贈劉瞻甫

顛顛行吟落照時莫愁湖上與君期五噫一賦梅花國  
三黜重逢柳士師吳苑舊游淹越鳥楚裳今雨裏江蘿  
姑蘇烟月長相待萎絕芙蓉白露滋王敦臨別白  
劉瞻甫初蒞太倉三降雜職謫居梅花國時聘江西  
分考得士最著與予邂逅都門觴詠彌月後轉成都  
節推音問頓絕其直道不阿大節凜然信乎朋友者  
如此而已

吳楚倦遊

隋宮訪古惟衰柳楚澤傷秋况落英痛哭嗣宗千日醉  
亂離王粲十年情目窮沙界叅龍象手挽銀河洗甲兵  
五見梅花歸未得故園頻有蟋蟀聲

前歸興詩

丙子九月

去年書劍復咸陽廬岳登高一望鄉不見秦城售趙璧  
但聞豐獄棄干將洪都蔓草牽衣帶大庾梅花笑客裝  
今日輶對奇字一區塵滿讀書床

後歸興詩

乙酉六月

南北神州竟陸沉六龍潛幸楚江陰三河十上頻炊玉

四壁無歸尚典琴  
蹈海肯容高士節  
望鄉終軫越人唵  
臺關倘擬封泥事  
回首梅花塞草深

滁陽冠退李太僕  
曉湘有干城之功  
却寄

臥閣何勞借重臣  
中都熊衛逐黃巾  
環滁擬築封鯨觀  
扞圉終憐數馬人  
洗甲雁嘶寒食雨  
回鏡鶯詠落花塵  
思君獨步臺城月  
笑折金陵垂柳春

吳楚感秋

回文

鶯啼一度一開花  
夢遠傷秋入嶺華  
明月楚天遙過雁  
白門吳樹暝栖鴉  
城高隔水霜碓擣  
木落空樓戍鼓搗  
輕浪放舟鮫浦鮑  
盈盈碧漢接星槎

其二

西陵秣馬走南天  
夢草春縣別路前  
堤柳拂雲青裊裊  
岸花搖月白娟娟  
鷄鳴遠寺蕭山雪  
雁度寒城郢樹烟  
低岫一櫺湘水綠  
栖栖倦客思華年

雁翅城

雁翅城邊蘭葉陰  
綠琴傳得鳳皇心  
風吹玉樹悲紈扇  
霜落刀環待藁砧  
竹上淚凝湘水怨  
盤中詩造蜀山深  
何當更乞西王藥  
身在陳峒八桂林

都嶠得蘇楚臣書却寄

懷袖猶存白鳳毫  
木奴花發燕雙高  
銅龍水似牽腸線

玉馬風如切夢刀醉墨尙濡羊子練枕痕仍在范生袍  
何須三十憑蓬鬢一夜思君有二毛

孟蘭盤玉山記游

男女以花果酬獻俗名結緣

翠竹黃花輦路落呼鸞人上粵王臺來禽果向檀郎擲  
芍藥同矜鄭女裁鵲駕定將斜漢合螳眉橫對遠山開  
相思不結芝田襪空負陳思八斗才

山堂臥病孫宏先裹藥來看

心知越絕無雙士日見孫郎有二毛昭質未虧嵐海瘴  
辨才先發廣陵濤蕭條有客探雲水寂寞何人問桔槔  
君去葦門風自掩碧落黃葉夢魂勞

花田餞朱未央時余歸自都中

一樽須盡素馨田別路惟餘水共天自愛梅花歸庾嶠  
若隨鴻雁向幽燕長裾請擬鄒梭後五嶽寧論婚嫁先  
莫倚唾壺歌伏瀝酒酣爲汝拂龍泉

吳于逵載酒偕粵中詞人三十輩同集小齋

藥圃壇西有敝廬葦門深柳枉瓊琚頑民清世仍依邑  
舊史名山不廢書衰躋每悲黃葉改落英寧放綠罇虛  
狂來金澗探泉脈欲控僊人錦鯉魚

大參李如穀先生家君侍御子木訪予虎邱寺

駐節何勞問鹿羣虎邱殘雪劍池雲落梅秋府傳高唱

授簡高才接令聞燕嶠月明胡雁度楚天人至澧蘭芬  
儒林家學尊劉向千騎東方待使君

送興化趙使君奏績神都

楊花初撲越溪船鶯囀南州雁北遷繁露書成去淮海  
凌雲賦就入幽蕪行春草綠中牟雉流水風清單父絃  
莫學楊莊誦綿竹雕蟲空負子雲元

水僊花

誰殿湘沅九畹芳蕙蘭凋盡擷媽香漢濱雪淨明璫解  
洛浦微波玉珮將桂女霓裳紛月戶靈娥錦瑟寄窮桑  
塗黃莫認梅花額恐有瑤姬妬壽陽

遊飛來憇和光洞尋五色榴花率爾忘歸

七十二峯相對奇綠潭踈影湛漣漪桂薰蕭帝龍舒碣  
竹採軒轅阮隃枝梅信先春傳庾嶺湖痕經宿落天池  
酒酣偶失和光路五色榴花不可知

送梁若木太史奉節還朝

太乙經秋駐赤霞石渠開曉待皇華龍墀映日翔仙掌  
鰲禁含香識漢槎萬里鵬溟遵六月百蠻雞詔散千家  
明春倘借書雲筆臣里楊莊莫漫誇

元日侍香山何夫子燕寶綸閣

平津東閣侍文雄春轉堯蓂一葉中獻歲醪醴開白獸

廣東文獻二集 卷之四  
後車雲水引非熊黃金未變千門柳絲勝先馳五夜風  
誰掌絲綸歌九德鳳池清露浥蘭叢

游圭峯偕故園諸弟妹

孤峯乍佇泪潸然日落長虹萬壑烟綠護天荒南渡迹  
玉臺鐘蠡建和年泉香蕙若影書帶壇覩松花覆講筵  
瀕海昔聞鄒魯地春風池草碧芊芊

壽鄭元戎

半壁凌烟想畫容十年橫海有奇封蚩尤霧合逢弔女  
白帝蛇分待赤松虎旅九重歸鉄券龜臺三使下金甌  
太平未獻汾河策誰勒徽猷紫殿鐘 甲申二月

立夏謝元邱招游石澗寺與陳孟長醒宸二山人

琴酌

翠屏千嶂濕寒蘿曲澗盤雲待客過紫竹僧扉清夏臘  
綠天人語近秋河厨邀曳露浮香積鉢引吟龍入嘯譟  
無限琴心寄流水好憑諸謝覩羊何

客西林聞警柬何人止 甲申二月

客裡流光閱九春西山鸞鶴自爲鄰卧同干木非藩魏  
笑却辛垣欲帝秦內地弄兵皆赤子隔河專閫半清人  
龍蛇歌罷愁無賴誰念飄零折角巾

江門謁陳文恭白沙先生祠 祠傍有小匡廬



楚雲臺接小匡廬紫水歸人賦卜居鶴髮尚披孺子服  
羊裘終杆美人車山迎北戶多藏豹門對南溟有化魚  
碧玉樓前千仞雪肯容狂簡禮簪裾

贈劉中秘懷默

浮海諸夷未定居乘桴時過夕郎廬蘭臺墨妙闕中秘  
薇省文心逼子虛鳳諾昔傳三殿詔金泥長護九皇書  
沉香浦外遙相憶爲駕琴高錦鯉魚

匡門

纏練曾驅錦浪堆中流彌識滄川才揮戈不返羲和馭  
人海空聞薤露哀碧月壺浮天上下鯤溟龍戰水潯洄  
荆蘿已滅磨匡字風雨年年長綠苔

演露堂成爲何司寇文玉賦

露華西邸主恩濃移得巫陽第幾峯司寇俸錢供鶴米  
尚書賜履識仙踪東山選勝開基墅玉版參禪促箭鋒  
聞道聖人新建極北窓雲起半從龍

孤憤篇

誰握兵符駐六軍橋山龍去訣浮雲魯連一笑無秦帝  
燕鼎重歸有樂君南蔡真人初建極玉門飛將獸空羣  
聞雞試問烹雌婦十載牛衣望紫氛

竝蒂蓮爲何夫子賦

開年果兆雙珠

虞夏文獻一集卷之四  
暮日堂選  
滄波太液昔曾聞雙萼朱衣紫羅分合璧共承仙掌露  
晚霞晴綻蕊宮雲香闈解刺熊罷莞花夢遙通翡翠裙  
誰劈巨靈開二華青天削出不如君

乙酉入都留別古岡諸同社

三月垂楊綠去津黃鸝飛上柳塘春中州豈倩探丸客  
上已應逢捧劍人王命論存知有漢說難書在不干秦  
悲歌且莫催離筑暫醉蘭亭曲水濱

留別何夫子

猛士悲歌起大風酒徒連夜入新豐聞詩東閣虛陪鯉  
奏伎長場較射熊前席少年方哭漢後車元老待和戎

誰憐虎帳橫經客羞戴儒冠誤廼公

何夫子拜命元揆詩以趣裝

煜煜元巖詠紫芝蒲輪前隊引非輦七閩虎變雄三戶  
百粵鷹揚載六師砌莢尙依唐日月宮槐長觀漢威儀  
十年辛苦調元老窺見河清歛月氏

其二

樽俎先朝待折衝師臣重詠舊車攻兩京玉露傳桴鼓  
五鐸金陵應棧鐘北闕漸看紅日近東山聊付白雲封  
艱虞早識興王地望斷南陽五色龍

其三

虞夏文獻一集

卷之四 鄭中翰嶠雅集

三

奉軍堂選

帝賚傍求復舊京中台星正紫薇營九天元女雲中侍  
萬國黃輿日下平棘水投綸蒼兕嘯桐圭分土羽鷄鳴  
歷陽沸井尋常見唯問滎河幾度清

岡州重訪陶昭輯昭美昆弟

賦才會許擅機雲五色肝腸絕世氛芳草綠時頻寄夢  
菊花黃後又尋君開罇獸剪堯年韭懷古同探禹穴文  
歸去層城隔明月岸松烟艇對秋分



